



978272

木容山館



全集

光緒己卯七月

常孰楊孫題

右書在滬文作於光緒己卯越

十有二載辛卯秋九月全集如

以聚珍版印成惜滬文已歸道

山不及見也

德增記



無錫匡寶才排印

楊蓉裳先生所著詩文及身付刊先後有三本自少至謁選爲
真率齋初稟詩十卷詞二卷筮仕甘肅汜戶曹爲芙蓉山館詩
彙十六卷詞彙四卷罷官後主講關中書院卽前兩本刪併之
益以續得刊詩八卷補一卷詞二卷集句詞一卷概以芙蓉山
館名集不曰稟而曰鈔是爲晚年手定之本與文鈔並行被兵
後諸版盡毀流傳日希今茲所輯一依關中定本無少移易惟
文鈔原末分卷釐爲八卷綜名全集而兩本刪落不與焉助余
勸讎者裘葆良延梁曹械卿補尤翰臣補陸秋查鴻祥及先生
族孫厚甫應培書成用志緣起如此至先生詩若文海內學人
都能道之原序具在故勿贅光緒辛卯夏六月無錫劉繼增

芙蓉山館全集

敘

一

無錫匡寶才集字排印

各本原敘跋

昔鈍翁言詩有臺閣之體有山林之體磊落華贍臺閣之詩也
悲噀憤慨山林之詩也爲臺閣體者宜貴宜大宜設施爲山林
體者宜不偶宜無所表見信斯言以言詩將畫爲兩戒區爲兩
人離而不可相兼矣且何以處夫非山林非臺閣者歟夫山林
臺閣時之異也所以爲詩則豈有異哉譬之水其出於山也湧
而爲濫縣而爲沃仄而爲沆其運於海也朝而爲潮夕而爲汐
大而爲瀾小而爲淪求之於水蓋一而已矣發之有原匯之無
盡由是因物賦形將怪變百出弗可勝紀也兩體之云豈通論
歟楊子蓉裳於學無不識於才無不能落筆爲詩歌時而悲噀

芙蓉山館全集

原敘跋

二

憤慨焉時而磊落華贍焉山林臺閣之體雜然出之所爲因物
賦形不可以一端求者也年弱冠以貢來於都世之交於君者
望其人道然以喜叩其學肅然以敬及覽所爲詩若河伯之面
海茫茫咤歎適適然驚規規然自失謂君非山林中人將揆其
才華以揚光臺閣也試於廷當爲令於甘肅將行出真率齋
初臺示余余讀之若元虛賦海景純賦江所謂天吳馬蹏閃屍
髣髴雲精水碧焜耀頰彩者嗚呼偉矣君今進不得居臺閣而
膺百里之寄亦非山林者比且甘肅界窮邊風沙蒼莽山谷岨
絕番戎所據北涼西夏所都魁奇人傑橫戈百戰之地往而開
拓心曾發皇聞見悉其學與才以見於詩山林臺閣之語益不

足以限君也已君弟荔裳兄方叔永叔咸以異才崛起東南而賢伯笠湖先生世推爲通儒長者皆辱余交善也君承家學與兄弟相帥友蓋猶江海之水源所從來遠矣又有分支異派匯其波瀾而增其氣勢將見放搏彘泄尾閭可量其怪變百出也

哉戊戌七月朔日青浦王昶序

眞率齋
初稟序

僕與蓉裳楊君託膠漆之密契有葭莩之世親駢負而蚤趨蟲鳴則蝨躍淄澠同器笙磬共音中心藏之爲日久矣乃者裏所述作錄其詩歌授簡鄙人俾爲之序夫良玉旣剖不待卞和之泣血也利劍旣躍不待茂先之望氣也僕學無淵源詞乏文采而稷下杜口早聞魯連之談東隣捧心先識西施之貌情在於

芙蓉山館全集

原敘跋

二

是烏能無言君秉氣英淑負材經奇襟披蕙風袂灑蘭雪清談而隼屑如鋸列座而無衣不寒徒倚永日移魏收之胡牀沈冥下帷銳管甯之木榻凡汲冢斷簡龍威祕文夷吾所知者七十二代曼倩能誦者二十萬言度以陸公之厨貯以邊韶之笥胸咽丹篆掌盈墨書並遺糟粕噉菁華笙簧六經看核百氏故其所作如威鳳五色仙體九光錦斲繽紛花葉麗穠然龍燭以照海建翠旂以翳天聞者動心觀者眩目予季父嚮泉先生每曰蓉裳之才可云秀絕寰區庾蘭成之麗藻日以清新揚子雲之瓊詞謂之淡雅別有眞賞不同妄歎也憶在弱冠卽罹屯災王衷廢其蓼莪原憲羹其藜藿耕石不富食糠何肥時則願爲博

士讀元家之異書將游大人挾齊客之鳴瑟或割種以遺江革
或倒屣以迎仲宣見說難孤憤願與同遊諷游山九吟幸其並
世人思薦禰衆其推羊雖未能問道璇華校書天祿而方斃裾
以謁吏部旋束帶以從督郵仄聞仕宦之躋是昔要荒之服天
高日澹地古沙平弱水西流黃河東走馬嘶風而噴玉雕睇野
而生雲君於是時餼黃羊之饌擁青兕之裘弦邏沙之槽酌蒲
桃之酒此閒才子不異從戎何事參軍但工蠻語必且以兒女
之情挾幽并之氣陽關三疊甘州八聲混沌高歌防風起舞他
日者傳之以一雙黃鶴遞之以千里明駟當使曲中楊柳倍覺
風流塞上焉支別增顏色耳茲有事於剖珠恐見譏於倚市而

芙蓉山館全集

原敘跋

三

君方以廣忠益集參稽夫豈海神匿迹堅避晝工長康隱形見
欺蟬葉所可同日而語哉況乎一別千里相思各天尋君紫邏
畏逢吹夢之風寄我翠鷺慮有沈波之字竄此懷衷如聆音聲
是又僕一人之私而與君兩得其願者矣祖帳將設離樽欲傾

聊書所懷并以爲別己亥正月望日顧敏恆序

眞率齋
初稟序

眞率齋初稟者廷錫伯父蓉裳公少時之作也公宦甘肅又有
芙蓉山館之刻世但知芙蓉山館而不知有眞率齋可不惜乎

此版本藏於家戊子歲余自蜀歸里求此書不可得時時有念
於心又四年偶翻閱故架見此版尙存取舊之藏者校對闕數
十葉乃重補正刷印傳布噫公之志才克盡公之才無遠近人

人無不知讀此詩者宜於濃豔中求其澹華贈中求其逸磊落
奇肆中求其和勿徒謂驚才絕艷忘作者本意也稟以真率齋
名者齋在邑城北爲廷錫高祖聲毓公讀書之所示不忘祖也
曰初稟者蓋將有以續之也竊謂欲觀公詩必自初稟始爲述
其大概且喜其版之全謹爲文以誌幸猶子廷錫

真率齋
初稟跋

義山於詩喜少陵而所作不似杜山谷於詩喜少陵而所作亦
不似杜然後世稱善學杜者莫如義山山谷何也則真與僞之
辨神與形之說也今之稱能詩者大都以剽竊漁獵見長求所
謂牢籠萬象變化一心者十不一覲豈知喜怒哀懣必實有其
不容已於中者而後發爲文章足以使人激發甚矣詩不可以

芙蓉山館全集

原敘跋

四

僞爲尤不可以形似歟梁溪楊蓉裳農部嘗年與其弟荔裳方
伯以詞賦雄東南農部由諸生貢成均試高等官甘肅二十年
甚著功績昔袁簡齋前輩書來稱其才且賢又於洪稚存趙味
辛孫淵如暨荔裳所見其所作詩文心賞其工然實未覩其人
亦未嘗見其全集也茲來京師一見如舊相識復承以詩集委
余校勘獲卒業焉君於詩固喜少陵者也反復讀之不似杜并
不似義山山谷乃知君善學杜并善學義山山谷矣昔人有言
曰秦音亢厲吳音靡曼此其性然也今乃欲盡變其生心之音
使越無吟齊無謳楚無歌而俱操爲秦聲吳聲則其僞亦甚矣
君生於吳而宦於秦詩則工於諸體而皆出之以真又能神明

規矩不沾沾法古而古人之妙盡有就今所詣已將於義山山谷之閒高置一座況日進而不已耶嘉慶六年冬月年愚弟法

式善拜序

芙蓉山館詩臺序

伯父蓉裳公著芙蓉山館古今詩詞駢體文若干卷公手訂也公少時曾刻真率齋詩詞其後主講關中書院因門下士之請乃綜核生平之作刻於關中公之詩文久已推尊藝林人爭先矚爲快公嘗自比於唐李玉溪有同三異之分其門人周君蘄雲荅書云方之義山似爲過之駢四儷六已足駕庾追徐斯言甚不誣也公少受知南昌彭文勤公青浦王蘭泉先生一見有國士之目後受業於袁簡齋先生一時若洪稚存黃仲則孫

芙蓉山館全集

原敘跋

五

淵如方子雲諸先生號海內之能詩者公與之唱和角勝故簡齋先生詩有云毘陵星象聚文昌洪顧孫楊各擅場者也此版向存家中零落顛倒先兄伯夔宦蘄州牧乃取而補刊之猶憶戊戌歲錫嘗補刻公真率齋詩詞以應四方之求辛丑春先兄沒此版復歸自家乃爲刷印傳之海內公嘗自輯年譜一卷簡齋先生詩文補箋六代三唐駢體文鈔三家詞選芙蓉山館尺牘彙其如干卷俱未鐫今藏家中至公生平宦蹟言行有墓表與傳可考茲不載今以其版之歸謹序其由俾我後昆珍重愛惜世守而寶護云道光癸卯孟冬陽月猶子廷錫謹識於古懽

書屋

芙蓉山館詩詞文鈔跋節錄

附錄

無錫金匱縣志

文苑列傳

楊芳燦字蓉裳乾隆四十二年拔貢生廷試一等知伏羌縣直回民田五滋事圍伏羌芳燦誅內應數人城守五晝夜援至圍解擢知靈州尋入貲爲戶部員外郎與修會典丁母憂歸主講關中旋修四川通志卒於蜀芳燦工詩及駢儷文才豔絕一時與同郡洪亮吉孫星衍同邑顧敏恒齊名守伏羌時按察使王昶賦詩飛達圍城芳燦援筆和之其整暇如此子夔生以雄縣丞累擢知薊州亦有才藻尤長於填詞

傳

芙蓉山館全集

附錄

君名芳燦字蓉裳一字才叔江南金匱人以拔萃科試高等選甘肅伏羌令擢靈州收入京爲戶部員外郎以母憂歸卒於蜀君天姿英敏年甫冠所爲詩文已爲藝林所重與弟荔裳有二楊之目及官伏羌卽值田五之變田五者回民之譎驚者也聚石峯堡以復新教惑衆謀作亂未期而事洩遂由海城攻靖遠破通渭戍都統參將於高廟山合數萬人攻伏羌伏羌當秦隴之衝城中回民雜處君外輯軍民內杜閒謀獲馬中驥等數人誅之其長者君拊循激勸咸願助君堅守居民以回也疑之君曉以大義民與回遂相睦畫甫定而賊大至君隨機宜設方畧應之與下同甘苦當矢石之衝者四晝夜援兵至圍始解賊不

得越伏羌而東乃退守石堡會大將軍阿公制府福公統禁旅至秦蜀兵亦先後雲集築長圍以攻遂破石堡是役也非君以死守扼其衝必蔓延四出不可驟定論者比之睢陽玉壁焉事平論功擢靈州牧時荔裳已由中書舍人從大將軍福公征廓爾喀與君遇於靈州逾年軍事平荔裳以觀察擢甘肅藩司君例應引避不樂外任乃入貲爲戶部員外君故工駢體文及官京朝多暇日所爲文益宏整典重京師有大著作必假君手君有請必應文不加點日常數千言輦下數才人者君爲舉首後生寒峻多被容接士論翕然歸之纂修會典克舉其職會荔裳卒於蜀太夫人繼逝君乃南歸君之歸也貧無以自給則西之芙蓉山館全集

附錄

二

秦主講關中書院者數年繼又至蜀客蜀者又數年修四川全省通志會季弟蘿裳令安縣遂至安邑以嘉慶乙亥冬卒於安縣年六十三君與人平易無疾言遽色而外和內介生平未嘗有失德文人之敦行者莫君若矣所著有真率齋堯芙蓉山館詩詞文全集若干卷行於世餘所著未刻者多藏於家子二夔生官蘄州牧麟生以嗣從兄掄後房山縣丞女三一適同里秦承需天津同知一適閩縣龔瑞穀睢甯通判一適餘姚張嗣綬

四川劍州牧

陳文述曰予之識君也在辛酉春以計偕留京師先後與君過從者五年君怡聲緩步使人浮氣皆斂而身居圍城乃忠義奮

發徂敵全城爲國家保障洵賢者不可測矣君弟荔裳以書生從軍絕域勒銘二萬里外及官蜀適白蓮教不靖與軍事相終始所著桐花吟館詩與兄嬾美季弟蘿裳亦有文名長於倚聲論文人者推君與諸弟其不易及哉

墓志銘

陳用光

君諱芳燦字才叔一字蓉裳姓楊氏常州無錫人曾祖宗濂祖孝元父鴻觀三世皆以弟揆官甘肅四川布政司 晉贈如其官曾祖妣馮祖妣顧倪妣顧皆 晉贈夫人顧夫人夢五色雀集庭樹而生君君生七月而能言君大父特愛之長而詩文華贍見稱於老宿年十九補縣學生冠其曹鄉試罷歸應學使者

芙蓉山館全集

附錄

三

試彭文勤公大異之以己主試時失君爲悔也文勤竣學使事將受代君方居父憂招君問家世昆弟遂以兄女字君之弟揆君兄弟三人君爲長次揆以召試 賜舉人歷官至四川布政使次英燦今爲四川安縣知縣君旋以選拔貢生應 廷試得知縣分發甘肅嘗攝西河環縣旋補授伏羌回民田五爲亂起石峯堡伏羌回民馬稱驥應之未發君先期旣募鄉勇爲防守會馬映龍白中煒馬宏元以稱驥之謀告君立捕殺稱驥四人方請兵而賊至君率映龍中煒宏元偕鄉勇登陴守五日夜兵來與賊比日戰圍始解映龍稱驥甥也君能得其心與其守又嘗脫李五於獄而使之迎官兵言狀李五果得銀牌還君治縣

溫溫若不任事者坐堂皇訊事罷卽手一編就几讀人或以爲
笑孰知其臨變敏決若是初蘇四十三之亂獄詞連伏羌人大
恐君請於提刑曰馬得建等饋銀在蘇四十三未爲亂前與從
逆者有閒請量從末減於是家屬悉得免緣坐及石峯堡事平
賊首張文慶子太懣映龍之洩謀曰映龍固與吾父通音問其
助守城欲於五日後獻城也阿文成逮映龍至靜甯君與偕往
言於文成曰映龍欲獻城曷爲以其謀告且伏羌無兵鄉勇皆
烏合衆亦無俟五日後力始竭也文成曰彼非馬得建子耶君
曰彼固以得免緣坐時時與某言涕泣思得當以報公也文成
以爲然立命出之獄嗚呼此又足以見君之神而明其定亂出

芙蓉山館全集

附錄

四

圍城非由倖致也君後雖以守城功擢知靈州嘗單騎諭散奪
米飢民請借口糧設粥厰以安眾大吏亦甚知君才矣而自念
家世本儒術不樂爲外吏遂入貲爲員外郎居戶部與纂會典
辰入申出專力於館書歸則擁書縱讀益務記覽爲詞章君詩
出於義山昌谷而自成其體又工駢體文嘗語用光曰色不欲
其耀氣不欲其縱沈博奧衍斯儷體之能事也君旋丁額夫人
憂資不能治裝鬻書以歸爲衢州杭州關中書院山長者數年
最後入蜀修四川通志主錦江書院山長乙亥冬省弟於安縣
十二月二十一日以疾卒於安縣署中距生乾隆十八年十二
月十八日享年六十三妻徐宜人子二承憲承惠承惠以後君

世父潮觀爲冢孫承憲娶沈氏生子一應龍承惠娶趙氏生子一應融女三長適今景州知州秦承霈次適今臨清州州判龔瑞穀次適候選通判張嗣敬承憲工詩詞能承其家學以狀來屬爲君志幽之文乃敘次而銘之銘曰

請君當懦兮靖豺驅謂君當顯兮潛郎嘗以暫居與余遊處兮蚤倚驢旣別去兮余懷孤過大梁兮重過余雖暫覲兮喜摻袂黯蜀山兮雲飛徂遠君之鄉兮孰與爲娛招子雲兮攀相如庶一見而慰君兮歸委蛻於蓉湖

人墓表

姚椿

公諱芳燦字才叔江蘇金匱人自其少時警敏劬學爲詩文若芙蓉山館全集

附錄

五

夙成者年二十以選拔貢生特用知縣公爲諸生久有聲譽始入都公卿人人爭欲識之先是辛卯歲試江甯侂得復失學使者以爲大恨及是則書尼其行鄉人亦多言宜改就教職者大理寺卿王公昶獨曰擇官而仕古人所非縣令百里所寄任亦匪輕要在賢者努力爲之耳遂就吏部選籤掣得甘肅至則補伏羌縣甘肅外毗新疆二萬餘里諸大臣絡繹出入地瘠而事叢大吏以下相與爲回邪匿冒國帑餼屢私欲公至不肯附和亦不爲蘄蘄之行凡所諮畫悉濟於公然其後猶以蘄空事被累乾隆四十六年四月安定回民馬明心倡立新教布政司誘而執之其黨蘇四十三等遂反事平論伏羌民焉得建等十六

家斂銀以圖訟論如逆公曰得建等事在未反前與從逆有閒
宜末減免者百餘人其後二年四月逆回田五闕於石峯堡公
先事籌備賊得不擾賊掠固原靖遠安定諸縣城中馬稱驥等
約爲內應其黨映龍首發之城被圍五日援兵不至公內殲外
捍夙夜勤勤亦會總督兵適至遂誅稱驥賊遁去方圍城時公
談笑鎮定從容賦百韻詩寄按察使王公王公報曰吾料君必
能辦賊今果然矣王公卽向勸公就縣令者也大將軍旣平賊
賊黨誣映龍允約五日後獻城會兵至不果乃訊於靜甯公與
偕往謁大將軍曰首發內變者映龍也如約降何肯舉發且獻
城必於五日後者云俟守者力盡耳伏羌向不治兵民夫輩皆

芙蓉山館全集

附錄

六

烏合賊至卽獻城耳何必五日大將軍意解曰映龍故得建子
也且令能保之耶曰非獨令伏羌同城守者皆願保之且映龍
幸得建事不緣坐時時感泣此固所以報也遂出之獄他日
謂人曰明陳子龍招降許都不能免其死嘗以爲恨然都固
叛逆者映龍助予守城首發內應而枉誣以死何以對隴西人
士乎論功擢靈州知州其後公弟揆來爲甘肅布政使公當迴
避乃用新例入爲戶部員外分發廣東司行走爲 會典館纂
修官公卿多知公者而公延攬才士微藝必錄爲詩文援筆立
就人人滿所欲以去公性淳篤孝友忠信爲縣令時人有求者
未嘗顯斥笑謝之而已子弟輩或譏彈它人詩文輒愀然曰彼

能讀書好爲詩文所以樂就我也奈何薄之耶人或負之他日
待其人如初在甘肅勵文學首拔周爲漢陸芝田於衆中生平
慕李商隱謂有四同三異而爲漢稱公以爲過於商隱者三事
知公者以爲知言公以入蜀修道志卒於安縣年六十三其世
系子姓俱存埋幽之文故弗著著其生平志事云

芙蓉山館全集

附錄

七

娉容修態麗而不奇不御羅綺亦調鉛脂沁人別怨湘娥古悲
瓊臺曉霞萬花離離雲衣羽裳翩何來遲揚袂轉喉比竹彈絲
靈璫八音華燈九枝抗手千古玉溪我師
嘉慶彊梧單闕陽月既望芙蓉山人識

卷一 古今體詩八十四首

卷二 古今體詩八十六首

卷三 古今體詩八十一首

卷四 古今體詩六十七首

卷五 古今體詩六十六首

卷六 古今體詩七十八首

芙蓉山館詩鈔 目錄

卷七 古今體詩七十二首

卷八 古今體詩一百十首

補鈔 古今體詩七十六首

詞 附 古今體詩八十一首

卷一 詞一百三首

卷二 詞九十三首

增鈔 詞三十二首

移箏詞三十二首

芙蓉山館詩鈔目錄

芙蓉山館詩鈔卷一

金匱楊芳燦蓉裳著

水經採蓮曲

採蓮女玉腕輕搖艣翠鈿紅衷湖中流中流蓮花過人頭棹歌
驚散鴛鴦愁鴛鴦愁入花去兩相思兩無語

寓言六首

寶帳芙蓉氣若蘭那堪開晚怨芳殘汝南小女原名玉洛下才
人舊喚檀憐母日多憐婿少嫁雜事易嫁鸞難蓬山咫尺稀消
息擬遣青禽鬪羽翰

桑葉城南五馬留日高丈二照珠樓餘香銷盡寒金獸晝漏傳

芙蓉山館詩鈔卷一

一

來響玉虬月姊獨眠虛顧兔天孫隔歲望牽牛神仙猶自嗟離
別碧海黃塵一樣愁

蜃牖緜箔鬱金裳挂鏡珊瑚爛熳光仙客幾年逢鳳女孫枝何
地覺桐郎影嬌半掩含風扇歌緩全飛卻月梁卧後清宵饒恨
望繡衾辜負綠熊香

珠珮犀簪不受塵無心同踏斷腸春空裏鴛鴦窺香掾漫挽羊
車嫁璧人黛筆難描眉際恨銀鐙自照夢中身武陵溪上潑澗
水到否雙魚白錦鱗

花滿瑤階春滿城銀雲櫛櫛月朧明綵鴛十二銜青殺飛雁千
雙上錦箏曲院游絲繁短夢文窗小管理閒情可憐寂寞瓊樓

畔誰聽嬌猶玉鳳聲

兩美何時共比肩霞箋恨字寫蠶眠可憐日煥風輕候不到紅
愁綠慘邊檀暈欲融收墮珥蘭膏初試貼新鈿臙脂滙畔船應
到西子今當未嫁年

偶興

寂寞雲亭掩薜蘿年光如水易蹉跎清秋風物繁華盡才子文
章感慨多夜半雞鳴抽劒舞鐙前酒醒擊壺歌所思遠在瀟湘
渚欲贈瓊英奈晚何

野眺

獵獵晚風勁寒空作微雪延頸望八荒撲面氣凜冽草枯殘燒
芙蓉山館詩鈔卷一
二
明木落亂山缺烏語因寒悲人迹向暮絕野煙聚爲雲空中自
升滅心隨飛蓬轉愁共層冰結塞北斷家書江南驚令節登臨
發長嘯憂端不可輟

七夕

天風吹月明飛度銀沙城今夜長河側應聞鸞鳳鳴華雲納綺
閣雌霓結玉楹龍箱藏舊錦河鼓發新聲車轉行初進笙調曲
乍成青鳥闌峯頭元波紫貝浮洞庭裏杵動縵山喬鶴留煙光
迎斗暗漢影帶星流繫釵連髮縷穿鍼百子樓倡樓盼遠夜寫
閨遣遠愁同心何繾綣珀盞屠蘇滿臂寒羅裏長鬢重蟲簪短
龍文金錯刀鳳翼參纏管梧庭綠穗垂蓮浦紅衣散三更望牽

牛高空目應斷涼氛透綺櫳嬌轉滿庭中
逡巡盼仙數禱祝記
微風細文雲子纈結縷鳳兒紅鴛鴦綠茵冷翦翠錦屏空安得
靈槎泛遙將碧海通蟾光不可掃簾卷秋風早璫琴廣陵散鈿
篋臨江調筵前歡會合花下聽語笑願乞九華丹青髓長美好
蚪箭夜如何金莖沈瀟多螢排綠莎出烏帶碧雲過蘭釭明孤
影鵲鑪焚四和腰纖減束素眼俊見橫波誰令拈繡帶倚欄看
渡河

寒夜吟

霜飛綠井寒無聲夜光如烟映銀屏幽州思婦憶龍城心同手
語彈秦箏箏絃絕幽怨多風吹夢越江波越江波渺何許入君
芙蓉山館詩鈔卷一
懷與君語月痕墮水曉鴉啼夢落空房淚如雨

試燈曲

日沒月當花餘霞鬪華綵蓮燈初試輝麗人早相待四術溢遊
人簫管起南隣擲果窺潘掾攀花賦洛神遷迤行水曲印履春
芳絲鈿車文錦茵寶馬雕金絡星移鎿影微斜月趁人歸燭映
垂鬟轉香迎羅裊飛吳儂掩歌扇相逢不相見使君南陌頭五
馬空留戀步幃擁青綃分頭過洛橋風光三五夜同伴早相邀

蓉湖曲

淞水漲桃花芳洲采蘭杜儂言江南樂好在蓉江渡蓉江節序
多撥棹屢經過佳期不可駐齊唱懊儂歌湖流浩蕩連南北茵

閣蘭牖萬種色從教畫舫刻龍鱗好取朱鸞垂鳳翼羅衣珠佩
照芳春日晚湖邊多麗人黃蝶盤徊依綵衷青禽來去啄紅巾
紅巾綵袖紛無數吳娃玉腕輕搖艣日映花光豔晚霞烟開水
色橫輕素別有朱樓夾水斜停橈借問是誰家碧玉貌如玉麗
華顏正華欄前露條脫花下撥琵琶的的容光人所羨王孫驄
馬空畱戀願作織羅近瘦腰但愁綵扇障嬌面鸞歌鳳吹斷人
腸鼓柁中流望渺茫一縷眉痕分月影半江衣麝雜花香春來
春去傷懷抱不覺朱顏鏡中老芳意偏輸比目魚淚痕空效啼
珠鳥狼籍金尊錦綺筵玉簫斑管負華年踏歌歸去逢人少兩
雨鴛鴦沙際眠

芙蓉山館詩鈔

卷一

四

折楊柳

春風似相識忽然渡灞橋灞橋兩岸柳密葉依柔條柔條直接
建章路銀臺畫閣紛無數風輕鶯語合歡枝月明蝶宿相思樹
紅樓少婦望關山鐵騎逐遲去不還隴頭春色少楊柳爲君攀
菜萸帶拂飛襪裏龍雀釵垂窈窕郎如垂柳花妾似垂楊葉
花落蚤辭枝葉枯豈堪折飛絮飄揚攪夢雲容華憔悴片時春
折芳濺上千絲淚驛使西來好贈君

京口夜泊聞隔舫琴聲

江上月初墮七絃聲未希明光三十曲涼雨一時飛沙響老魚
出渚昏寒雁歸成連何處覓滄海寸心違

平野英雄俠骨沒蓬蒿勞誰念窮途者廣寒桂樹香扶疏迷
魂夜跨金蟾蜍銀河浪高渡不得如此男兒坐嗚呃

寄衣曲

織寒衣一行眼淚織一絲機中羅純剛一匹半是妾身淚絲織
織成身著有幾何征夫遠戍白狼河官家賜衣不得力年年邊
塞西風多意中裁翦稱長短別久恐教衣帶緩願得妾身如此
衣寄向陽關不言遠阿侯幼小難把筆殷勤情人書年月爲語
驛使寄莫遲得及朔漠飛霜時萬一征人返鄉國此衣虛寄亦
不惜

青溪詞

芙蓉山館詩鈔

卷一

六

雲光不動春塘滿芙蓉墮粉蘭芽短綠溼紅鮮逐畫橈鶯青眠
熟金沙暝小姑向曉開新妝鸞帶雙明璫寶匳露出照膽
鏡花風演漾吹闌光澄潭夜浸桃花月好與姮娥伴孤絕玳
簞枕獨眠醒一點紅凝守宮血風車雨馬何翻蹻神雅夜集叢
祠前謝郎走馬射不得盤盤古木凝愁烟烟霧鬢韶華老相
風竿上孤星小隔溪白石自無情巫雲一夢春江曉

黃保儀掌書歌

玉軸牙籤伴朝暮鸞雲綾影澄幽素美人睡起芙蓉屏鑪爇芸
香辟花蠹南朝新做澄心堂墨花叢裏金粉香玉織親展簾文
錦龜螭印紐鈴文房玉釵扶鬢紅妝靚隻影娉婷對鸞鏡從知

文采累佳人孤星夜照深宮命桂紅印臂痕不銷珠愁玉恨傷
春宵西宮新製邀醉舞周家姊妹誇妖嬈小苑銅魚鎖寒翠班
姬左女同憔悴咫尺蓬山無路通漫勞食盡神仙字

二十湘宮人折花曲

黯黯巫雲楚夢長亞枝紅影照清湘靚妝多少司花女十二屏

山護斷香

薔薇

天然薄媚最天斜香影玲瓏近畫紗一夜東風紅露重催開七
十二行花

澄江月夜感懷贈邵星城儲玉琴

芙蓉山館詩鈔

卷一

七

青山澹如畫孤月千里明長風掃雲歸碧海銀河中道流無聲
北斗橫空珠錯落寒光繞樹驚棲鶻人生得意有幾時城市山
林儘行樂恨無百斛金巨羅酒酣對月發浩歌道逢俗子開口
笑瘦狂奈爾癡肥何脫帽科頭鷓鴣舞興爽筆力如牛弩范史
曾傳零菴方下生自著蝦蟆賦生不得短衣射虎南山頭馬蹄
踏草如星流又不得龍文金翅橫滄洲喚取吳娃揚棹謳男兒
二十不稱意茫茫觸起平生愁馬坊自教諸奴子不道英雄竟
如此世閒無復常將軍誰識溫生大才士金盞交不成薄俗還
相輕胸中塊磊平不得裸身大叫千秋亭感君意氣握君手昂
藏肯落他人後一笑黃公壚畔春螺贏螟蛉竟何有絲履賸贖

者實鏡贈盲人擬擾塵中子誰能識君真君才奇絕誰與鄰湘
江波浪匡廬雲揚眉吐氣造我語相對都非儻儻人還愁兩地
雲山隔倉雁積魚歎寥闊蘭陵美酒廣陵花相思共望天邊月
時星城就館毘陵玉琴買舟維揚去矣風流雲散言之慨然

玉階怨

珠箔空明月影低夜深花漏冷銅蠹銀缸照見承恩字紅淚輕
彈上赫蹏

夜泊山塘

一枕秋涼蘭葉風繁華舊國水煙中蓮花院落歌聲脆五字欄
干燭影紅七里鏡塘愁越女三分壁月夢吳宮誰憐青翰舟中

芙蓉山館詩鈔

卷一

八

客螺墨香箋賦惱公

秋夜詞

銀河水影漾琉璃七寶牕開月漸低連愛縷隨殘夢斷相思句
帶遠愁題芳幃夜靜俱涼玉芸閣風微觸響犀牛女合離誰管
領雕陵烏鵲汝南雞

紫磨纏臂玉搔頭少小珠娘不解愁繡閣炙笙調鳳曲花盤瀉
水貯蟾鉤蘅蕪煙冷三霄露茜菖香殘七日秋蜃箔殿簾人不
到獨拈羅帶看牽牛

冰肌新試麝蘭湯杏子花紗貼體涼一翦香風迷迭檻半牀華
月昔邪房銀虬貯水丁丁咽鐵馬敲更細細長行過芳塘遮鳳

燭恐教驚起睡鴛鴦

花瑋無聲月杵停夜雲如水遠空青涼宵夢壓狸毛席曲院鐙
明猩色屏酒瀉蘭尊酬七夕箋書錦字儼雙星摩訶池畔嬌無
那怕聽風吹九子鈴

冷遊曲

紅珠斗帳蘭風微江南草長春夢稀小園蝴蝶成團飛粉香亂
撲金縷衣

碧檻

碧檻通蘭館桃牖隱翠樓月從蓮井墮雲入錦屏流懷探支機
石槎通聚窟洲貽椒箏院查贈芍瑣窗幽傳面龍綉粉膏鬢蘇

芙蓉山館詩鈔卷一

九

合油桂紅春一捻蓮印玉雙鉤翫翠酣春帳芙蓉夢雨稠酒綠
薰髓釀花爲助情收嬌烏青絲籠金魚白定甌小詞翻越調急
拍按涼州草可名銷恨蟲應號聞頭傳釵巫女艷解珮洛娥羞
子夜聲聲苦辛夷樹樹休鷓啼金井院人上木蘭舟遠盼文禽
會訛傳紫貝浮空房香膽怯圓鏡澹蛾愁寂寞蛩螢夜飄零菡
萏秋蝶充通夢使雁作致書郵錦軸朝彌勒新詞怨塞修銀河
一水曲脉脉盼牽牛

採菱曲

妾家住銀塘遠塘菱葉香採菱盪漿去水共離愁長紅巾綠袖
搖輕艣青鴨灘頭人不渡西風昨夜吹素波蕩花涼雨蘋花露

安得交四角生向郎車輪郎車不得行穩醉橫塘春橫塘屈曲
道鶻鷺鴛鴦少莫照菱花鏡愁多顏色老爲報隴頭人歸時須
及早

畫船

曲渚魚鱗浪迴堤雁齒橋續紛張錦幔容與泛蘭橈羅襪凌波
步瓊烟貼水飄半篙新漲闊七里淩塘迢網戶垂銀蒜乳牖嵌
玉珧簾編湘女竹扇翦美人蕉綵絡調歌鳥珠鈴繫雪猫叩舷
蕙葉岸解纜藕花潮迷迭含芳長蘅蕪爇火焦繁華今好在香
粉未全銷午夜開華宴辛房出阿嬌約黃孫壽額束素小憐腰
粉鏡千回照雲梳百遍擡眉長勻翠黛髮膩鞞珠翹彩釜猩唇
芙蓉山館詩鈔卷一

十

煮礪杯桂露澆風微衣罽散帆轉酒鱗掬射覆圍蟲牙攤錢喝
雉梟怕成泥絮果休負雨雲宵促坐心相印拳帷目屢招犀筒
銀液減蛤帳守宮銷催賜纒頭錦還留繫臂綃鴛鴦一夢覺烟
水雨迢迢

畫屏風曲

雲母屏風蠹粉銷江南山色碧迢迢庾郎詞賦偏蕭瑟銅鞮秋
衾夢六朝

天口姑蘇無染殿歌

殿純以甄石累成相傳宋南渡時所建

寶津樓起京東陌快馬輕車運花石土木餘殃尙未銷貝闕琳

宮藏穢骨突兀銅烏鐵鳳翔半空花雨散天香構成馬寶千尋
殿不用龍身百尺梁磨甃累甃推能手不識經營是誰某世遠
宵愁蠹啄侵地靈好教獅王守亂草荒榛鳳最高斷碑風雨認
南朝南朝柱石今何處輸與禪宮結構半金牌十二馳飛控風
波三字孤臣痛萬里長城一旦傾誰與王家作梁棟此殿翻成
識兆奇當年謎語是耶非修羅龍象空神力甲騎西來勢不支
懺災祈福虛言爾雪窖冰天道君死霓幕千羣戰血腥宮草蕭
條土花紫江水東流作怨聲偏隔臣構竟偷生金縉盡付明駝
足那有餘貲給化城罡風吹盡蓮雲宅畫棟文楣竟何益剩得
柁檀祇樹林猶記炎興舊年月紺宇嵯峨向日開摩挲古蹟爲
芙蓉山館詩鈔卷一

十一

徘徊笑他大厦高如許祇有釘頭木屑材

酒僊歌

美人家住吳閶路羅幃盈盈振僊步借問當壚有幾年
碾碗磁盃伴朝暮呼來對客笑臨風酒暈腮渦一抹紅癩
隨神丹勻鞋鞢鞦壺清露醉芙蓉妝臺珍膳餐桃李卯飲纔
醒試羅綺自言生小住橫塘不識猩唇鯉魚尾橫塘瀲灩
翹塵波象管鸞笙唱棹歌但得半江成玉液不辭千盞泛金
螺麝臍香撲玻瓈枕紅玉娥娥薦華寢檀奴若解送縹醪
抵得纏頭百梭錦媚眼微含似有情侍兒扶起倚雲屏長齋
也願飯彌勒薄命還應嫁麴生一樽薰髓靈妃送瑣骨珊珊
跨花鳳盼得他年壓劫空糟邱臺

上遊僊夢撥悶拌教典鷓鴣邇來消渴長卿狂歌樓春色濃如
酒不辨柔鄉與醉鄉

姑蘇彌羅閣天神像歌

寥陽寶閣連雲開銅烏鐵鳳高崔嵬青霓押額道帝座毡毳神
物憑虛來我聞明代真人出叱鬼呼星擅奇術綠章夜付小心
風丹爐曉鍊重瞳日鑄就狻猊噴異香混元天界瞰微茫觚稜
金爵開元闕翠眊雲旂拱紫皇羣神環侍威靈壯晝戟瑀戈屹
相向兩面森羅狻猊裝三霄警蹕麒麟仗殊形異態窮秋毫肅
立左右如趨朝身披虎皮血斑刺腰垂鷹翅毛森蕭當年召神
神不怒篆字朱符不知數神龍掉尾下層雲寶馬搖韁踏寒雨

芙蓉山館詩鈔

卷一

十一

靈巖華燭光模糊百靈彷彿來馳驅猶面魔王被金甲高聳天
女投玉壺搏沙範土肖靈怪燒盡劫灰身不壞天上曾聞十二
樓人閒陡現三千界我來排雲謁紫宮神光閃爍入眼中心魂
炫晃難自主坐覺一氣迴鴻濛凭高下視如元審珠斗闌干手
堪攬地古常疑黑霧屯年深不怕罡風撼縹緲疑登白玉京翩
翻欲跨紫鸞駟瑤堦碧瓦曾相識我亦星曹舊有名從知造物
真靈縱列缺蜚廉走羣從手攀鐵鎖下丹梯嗒然若醒鈞天夢

夜探若冰洞天

賦

山氣夜冥冥陰崖守巨靈松荒聞鸛語洞古帶龍腥一徑破雲
白雙峯削玉青坐來煩慮遣泉韵入清聽

孟蘭盆歌

昆盧澆酒荒山菴紙錢燃火紅酣酣青霓叩額供伽藍左魂右
魄趨趨彩蚪搖尾秋潭去一徑烟蘿鬼相語荒荒圓月青無
光幽壙秋螢散如雨妖狸拜斗戴髑髏夜深破冢松杉秋畫弦
淺促素管愁空山陰雲凝不流黑風吹霧野田下蒼鼠成羣踏
殘瓦一派嘶聲蒿塢空鬼伯避人鞭石馬蠟光躡黠旃檀銷郊
原碧血悲號號山魃攫飢歸古墓千載冬青啼老鴞

夕泛蓉湖因訪某氏廢園

秋色在蘆花明湖漫斷霞停橈漁子渡看竹野人家古埃迷歸
騎平林落暮鴉栖栖兔園客悵負年華

芙蓉山館詩鈔

卷一

秋夜

老樹得秋色虛牖延夕涼幽人愛清曠躡履下高堂時當仲秋
節雲物蔚蒼蒼華星入池靜明河界天長悵悵人有懷迢迢夜
未央松巖月色古花林露華香風景非不佳同心隔兩鄉願待
重九日遲君醉壺觴

客館孤坐

孤坐聞西風離愁夜來積徘徊巡前除秋氣何寥寂庭延露氣
寒池浸煙華碧冷蛩揚哀音征雁厲歸翼景物日淒仄羈懷苦
煎迫休文既善病何堪長作客明日束輕裝願言理蘭楫

吳門與顧笠舫夜話

在鏡中山

退紅衫子稱身裁凝睇無言立翠苔花意漸肥人漸瘦銷魂春
是幾時來

秋夜詞四首

半規新月到妝樓蟬翼輕羅怯早秋忽訝一襟涼露溼銀河無

影向人流

水紋簾影蕩瀟湘香品茶名費較量誰向風亭調細笛雙鶯

起睡鴛鴦

攜將紈扇立中庭銀燭幢幢背畫屏落月闌干涼似水手拈羅

帶數秋星

芙蓉山館詩鈔

卷一

五

一樹青梧葉乍凋空簾涼鬢影蕭蕭階前移過三更月猶翦秋

鐙讀六朝

塘上曲

新蒲含紫茸奪我蓮花妍拔蒲不成把願得天見蓮放妾撇波

去騎馬還洛川

織錦曲擬劉豫章

華風吹薄寒璧月流輕素樓中織錦妹含情朝復暮玉勝綴珠

檄朱絲垂伏兒琮瑤雜佩鳴篋金梭度網戶掩青苔秋蟲向

晚催天寒絲縷脆欄高杵響哀橫波巧能語鸞蛾鎖不開盈盈

坐綺房的見紅妝杏子衣裾短蓮花裙帶長一叢金翡翠八

幅紫鴛鴦殘絲不可斷似妾愁心亂機中艷彩凝機頂流蘇顛
髻滑鞞璫簪衫輕露粉腕細文魚子頰雜寶鮫珠串翦來雲縫
迸洗出霞光炫永夜獨含愁良人戍隴頭襪以寒蛩褥兼之麤
子裘風霜滿西塞刀尺在南樓征衣宜早寄爲倩致書郵

里巫謠

日次角尾年壬辰冬氣和且溫陰氛雨溼薰蒸鄉邑疫癘訛言
沸騰里中一老巫能作迎神送神舞自云見鬼面目識鬼言語
遣人迎之來戚戚涕泣告以故老巫瞠目大言鬼神俱怒汝一
巫從外來百鬼踉蹌後頭隨齒牙作光怪空屋索索陰風吹室
中離立翁姥一一面色如土灰曰擇月之日冥鏹百萬誠當治

芙蓉山館詩鈔

卷一

六

可憐鄉老公扶杖匍匐前致辭率眾童穉再拜稽首乞哀醮
清酒烹黃雞家貧無肴神鑿之老巫色忽變代傳鬼神旨徧檢
地府籍汝壽當止此我神微有權爲請上帝宥汝死鼓鑿齏香
烟媪風車雨馬趨且奔分肴釀金巫出門里人愁老巫樂合家
閉門嚙復嚙東隣糶斗粟西家典破屋荒郊寡婦三日哭

夜過楓橋

湖水綠迢迢中流漾畫橈雲埋齊女墓山鎖伍胥潮狎客青颺
馬嬌郎白珩簫繁華看不盡乘月過楓橋

月夜

忽見高峯月光含萬里愁兼之玉關雁聲散一天秋落葉寒無

影涼雲澹不流年來豪興淺怕上庾公樓

深院

深院雙梧樹連宵作雨聲西風吹不住涼意滿江城葉脫寒蟬
去巢孤倦鳥驚高齋人未寢坐待月華生

古墓

黃墟一片瘞繁華壞道年深塌淺沙魅氣著人狐拜月燐光照
骨鬼思家古碑字滅苔添篆病柏根枯菌作芽猶有兒孫來上
冢夕陽爭飯噪飢鴉

聞砧

我本無衣客時愁霜露侵那堪當永夜不寐聽寒砧明月閨人

芙蓉山館詩鈔卷一

七

夢西風遊子心哀音吹不斷爲爾淚盈襟

戲場轉韻擬薛司隸

笑趨佳麗地士女重遨遊華筵徵趙舞曲部選齊謳衣香散蘭
閣花影護珠樓臨衢金絡擁夾道鈿車留倡女紅裙褊妖童綠
幘鞦相逢各斂笑對面不成羞葵籬畫鼓搗百戲迭相誇團樂
歌扇麗周遭綵幔遮妙舞如翔鶴高髻若盤鴉帶裁鴛鴦錦袖
織葡萄花細腰生楚國玉貌出盧家鏗然蘇合油屏列靈麝燭
竟夕按節歌當場吹管逐細度廣陵散慢摻滌陽曲鈿笛和鳴
鳴金槽彈續續彩仗顛流蘇假面塗朱綠漏滴玉虬寒宵深興
未闌既躍公孫劍旋弄宜僚九粒服生光耀婉轉回宮調白雲

停不留華月低還照千回檀板敲一面紅妝笑翠釜點駝酥金
壺沉澆多桂尊陳百味猊爐焚四和姍姍曳長袖的的見橫波
坐有多情客聞歌喚奈何

裁衣曲擬劉庶子

星光懸綺閣月華燭幽房愁人不能寐夜起裁衣裳細錦蒲桃
纈輕羅蘭麝香鍼孔穿衫袖花枝繡襦褶初懸陽燧珠旋蒸驪
龍燭霜落鴛鴦瓦雲度蜘蛛屋雙雙垂襟帶一一成袖複臺橫
象牙尺榻展狸毛褥自憐纖指寒爲槍緹光促盈盈網戶前雅
步最嬌妍紅簾一桁卷茱幔半鉤懸絮用同功蠶熏將百和煙
裁縫猶未半淚點斑斑滿不知腰大小猶記身長短雙鉤剪刀
芙蓉山館詩鈔

卷一

末

響八幅回文亂屑金塗熨斗斲玉纏簪管休同細葛捐好代雕
鑪煥獨夜自沈吟相思力不禁水冷雙魚香雲高一雁沈好憑
隴頭使寄向燕山陰胸前雙御月千里照君心

近而不見擬王左丞

陳后長門愁班姬別宮老碧檻落哀螢瑤階長秋草花影轉房
櫳雲屏徹曉空霜凋庭下綠病損鏡中紅盈盈鳳樓上含情各
相望銀蒜水精簾珠繩雲母帳絃吹趁風來西宮夜宴開舞扇
裁圓月鈿車應薄雷君恩渺何許凭欄淚如雨銀河一水間脉
脉隔牛女

擬宋臨江王烏夜啼曲

宵闈宮苑啼鳥起曲宴傷心白頭姊
柱樹同根烏接尾當爲先
朝念車子

前閣籠窗啼夜烏後堂花發歌萼蒲
東方飛出命畢逋雞竿詔
下馳銅符

題永愁人集後

集爲邑才媛
龔靜照著

七寶樓前待書女身跨青鸞入瓊圃
剩得紅箋一卷詩猶是九
天珠玉吐怨雨愁風不可聽從來香粉易飄零
蒿墳鬼唱魂銷
句瑤瑟人彈腸斷聲卿家少小金闈情白玉爲膚花作面妝閣
朝翻翡翠箋鏡臺夜洗琉璃硯東南初日照秦樓未嫁羅敷不
解愁繡譜新描拈黛筆袂衣初試倚香篝鸞歌鳳吹嬌鬢脰畫

芙蓉山館詩鈔

卷一

九

堂誤受紅絲聘可憐文采泥浮塵爲有才華宜薄命荆棘銅駝
帝業殘蒼茫漢月照衰蘭靈均竟賦懷沙去弱女空闈血淚斑
年來年去空惆悵含愁倦倚芙蓉幌悔同謝女擅風標詎意王
郎在天壤拍碎珠徽玉軫琴此生并不遇知音條斑竹空樓
怨萋萋紅蓮獨夜心綠窗朱戶歲麤鎖微吟獨擁書城坐酒覺
多情入夢酣花憐有劫隨風墮

用集中
成句

一瓣心香懺上真願兒

莫作有情人祇今蠶尾蠶眠字猶認珠啼粉泣痕燃脂弄墨文

焉用身世淒涼爲卿慟零紅蕩漾怨東風流水桃花春一夢

桃花

流水漾零紅
集中句也

歲暮有感

霜落荒雞咽城高急柝哀一年愁裏過萬響靜中來古樹鷹風
勁平沙蚌月開燈前看雄劍鏞澀漸生苔

冬夜寫懷三十韻和顧笠舫

寒月挂松杉光流百尺巖良朋占渙散積悶費銀茭華嶽千峯
矗龍牛二鳥銜燃脂翻蕤篆築室貯琅函利器韜鋒鏢蛾眉避
謗讒著鞭爭道路尋味異酸鹹革命蚤將駟攻瑕功與城相思
碧雲暮託意錦書緘破鞘青銅劍荒畦白水樓途窮慙趣起語
拙每詰誦好古余真誤耽詩子更饑才招窮鬼愛書遣墨神監
星宿憑拚撫元黃畏刻鏡高文光爛爛雅奏響風風燕髮嗤劉
峻難薪效畢誠奇材儲栝栢絕力扼蔗農事業千秋在牢愁兩

芙蓉山館詩鈔

卷一

三

地咸難謀千日醉蚤著七斤衫世味如雲薄人情類兔毚全身
棲枳棘裏足避巉暑莫笑卮言妄休嫌筆陣儂蓉城花是倖麴
部酒爲銜磊柯才無敵驍騰骨不几韞鷹張健翻樞馬趁鷲颯
玉軸千緗插雕詞八寶嵌射生旗獵獵執手燭撒撒乍捩衝風
柁旋迴架海帆揭來誇軼宕崛起謝扶摯名許丹青勒歸將蒼
朮劉男兒懷已遂從此老嶽岳

舟過秣陵口號

蕭疎風柳白門灣依舊寒潮寂寞還指點夕陽紅盡處殘霞一

抹六朝山

擣衣曲擬柳吳興

流塵垂網絲華月照中閨一片玫砧響千行玉筍啼衰螢無定影鶯鶯不安棲愁長託牙尺夢短怨銅蠹征衣須早寄萬里白狼西

折花曲擬江令君

花壓蜘蛛屋香繞昔邪房嬋娟彼姝女當牖理新妝裁金貼圓的散麝點微黃衫織連枝繡裙垂七寶璫舉帷曳珠舄上砌折紅芳折芳好送寄春色方韶麗風敲雕玉釵露溼纖羅袂新光映臉霞艷霧籠雲髻上頭憐獨暮入手嫌雙帶柔蛾繞樹飛海蝶縈空戲顧影獨含愁看花轉凝睇凝睇不勝情南枝帶笑迎暮歷紈巾影琮瑤劍聲葉高粉腕怯枝輕細腰輕艷雛鬢芙蓉山館詩鈔卷一

三

戲分香同伴爭殘花不可掃遙憶關山道雕苑落櫻桃芳汀萎蘭草花落花更開人愁人易老朱顏偏易改綠鬢難長好中園鶻鳩鳴芳時知不早薄暮渭橋邊歸途趁翠煙綺霞初映水華月乍流天踏歌送佳節望遠惜華年願君早旋返折妾片時妍暮雨曲

溼雲如夢柳毵毵花落鷓啼酒半酣獨倚闌干聽暮雨笑娘水調滿江南

結客少年場行擬庾子山

青門樂遊苑佳俠少年場玉具千金飾雕弧七寶裝鞬鷹新摘
鍔珂馬不驚香躡柳銅溝畔眠花錦瑟旁定應嘲執戟頭白賦

長楊

長歌寄顧立方朱紫崖

長風吹明月初向南樓見把酒懷故人憑高淚如霰憶昔握手
南城壕骨骸俊健如生猱虎頭下筆最神俊髯也磊落人中豪
機才岳藻足驅使秦碑漢篆爭爬搔墨狂禿盡千兔頰

紫崖
喜書書

淫捆載三牛腰元長年少卿莫問昭略狂瘦公休嘲觚頂交趾
臥虛室談空說怪譁中宵可憐此景大不易咫尺今無尺書寄
轅駒不展追風足飢鷹尙剩凌雲氣世許才華敵古人天畱糠
粃貽吾輩買劍將從俠客遊簪花且擁名倡醉乍學毛公隱博
徒恥共揚雲飽奇字江南三月春草青新妝葭服照眼明高崖
芙蓉山館詩鈔

卷一

三

破空雲淪淪獨樹臨水花盈盈早莢橋頭駐金犢櫻桃樹底啼
流鸞短衫白哈入山去長杓巨盞當風傾胡爲局促不出戶嗟
子畢竟非狂生周家小兒笑破齒挾鉛齋素可憐子誰能學此
取富貴適意惟有大槩耳噫嘻乎信如卿言良足多明朝射虎
南山阿

春晚

閉戶無來客憊然半畝宮燕歸疏雨後人坐落花中斜景明孤
嶼芳池漾斷虹相思不可寄惆悵拂絲桐

春愁曲

鵲鑪銷盡玉粧煙怕檢芙蓉密字牋小院晝長人意倦暝雲如

絮養花天

十里柔桑綠意酣漫天翠雨徧江南冰綃自拭纖纖葉夜起開
匳飼病蠶

曉露瑤臺昨夢遙綠鸚喚起不勝嬌春寒瘦損香桃骨亂灑燕
支上鏡湖

鶯啼曲

毵毵弱柳拂銅溝坐樹流鶯絮暮愁絲竹滿堂誰聽汝隨風飛
過望春樓

寒食詞

鶯鷓起前灘蒲牙抽短短柳色莖門寒煙光烘不煖水唱荷花

芙蓉山館詩鈔

卷一

歸銀簧澀鴉管

醉紅軒賞牡丹長歌和劉菽原

一庭紅雨東皇老名園芍藥

唐以前不名牡丹卽木芍藥

花開早誰教奇卉

殿晚春亂發繁英媚晴昊劉侯示我好詩句暈碧裁紅擅詞藻

鏗鏘球磬和八音宛轉流蘇垂七寶乍展霞牋炫心目擬探香

徑開懷抱誰共假我半日閒不辭爲花百匝繞主人有頃呼園

丁灑掃几榻開窗櫺一邱一壑揖客入千枝萬枝照眼明亂捲

江霞色翕絕碎纈蜀錦光瓏玲朝眠未足臉潮暈卯酒欲醉瓊

酥凝張孔笑憑結綺閣尹邢愁倚琉璃屏圍香步幃煙澹澹護

花簷鐸風冷冷朱輪繡幃崇敬寺鷓絃鴉管沈香亭繁華過眼

幾千載忽移妙境來軒楹昨夜三更風雨急蓉城飛下催花牒
海客高擎瑪瑙盤花工淨洗玻璃葉茜袖斑斑飛燕唾瑤壺顚
顚靈芸泣惜豔宜將錦繡遮藏嬌莫放檀纖捻擬遲晴日借高
軒爲約狂朋移步履十蓋紗籠絳蠟燒九宮法曲紅牙摩吾家
花發軒之南妙香小閣空潭潭黃蜂紫蝶來啜噪雛鶯愁燕爭
詎誦不如君家更奇絕輕紅歐碧回春酣挈伴好攜鸚鵡榼貰
酒願典茱萸衫百觚莫笑飲量窄七字忽破詩腸絨主持頁會
子爲政追逐強韻吾能堪

醉紅軒賞牡丹卽席呈吳溪先生四十韻

曲院紅椒壁迴欄青漆房周遭種珍卉取次坳澗芳密葉調蛾

芙蓉山館詩鈔 卷一

一


綠檀心注罨黃翠蕤雙宛轉蚊翅五文章豐草垂長佩輕煙飾
下裳藏嬌移扇影學舞鞞釵梁頰玉盤三暈縹紋錦七襄婦人
殊旖旎照影轉熒煌鳳子分香倅蜂王歛蜜糧深深結綺閣艷
艷鬱金堂寶主時相召名籛許其望邈迤登棧閣曲折步斜廊
採朮淵明徑吹笙向詡牀窗開銀屈戌鐸響玉丁當豔句奚囊
小清談塵尾長金槽壓酒熟土銚焙茶良花葉千回數形骸一
笑忘搜奇辨干鏢促坐展縹緗美景交春夏長天亂雨賜高檐
停急溜穠蕊炫新光餼椀三危露銀盤九蘊湯醉嬌朝日嫩浴
頭晚風涼餘潤霑腰綵圓珠墜耳瑋阿環紅汗麗飛燕紺津香
密綴金鈴護斜擎錦織障雀鈿扶溷翠菱鏡照啼妝絡鎖紅鸚

鵝庭延紫鳳凰詎輸崇讓宅不數善和坊爲怕芳時晚頻催華
宴張商量及盤榻羅列備圓方香瀉薔薇露光浮琥珀觴去毛
蒸語鴨縮鷄膾河魴羶切青絲菜匙抄白玉梁調羹到細筍作
脯糝芽薑終席無苛令提壺勸渴羌公平情已厚僕也醉能狂
良會宜牢記芳華願再揚當筵抽絲筆拈韻索枯麝檀板詞三
調瑤箋字幾行慙非瓊玖報持以壽花王

芙蓉山館詩鈔

卷一

五



芙蓉山館詩鈔卷二

金匱楊芳燦蓉裳著

觀朝雨

朝雨江上來連山渺無際輕煙溼不飛閒雲去還滯幽花解紫
苞野鳥落輕毳庭樹珠光泣缺岸環流細文通麥未收仲蔚門
常閉窮居衡茅下坐惜光陰逝安得萬里風長空掃氛翳

子夜變詞

君不見美人嬌小藏金屋菴服新妝採芳蕙玳瑁簾開境似仙
珊瑚鏡照顏如玉柳外斑駁認陸丞花下紅絃唱黃督一笑相
逢播搭郎門前白水近橋梁邀將月彩歸蘭帳種得蓮窠抱玉
芙蓉山館詩鈔卷二

牀裁羅只贈新歡子倚曲頻翻夜度娘迴身故入歡懷抱儂作
雕鑪歡作香鐵鹿長橋畱不住阿歡向曉開門去秋雨聲飛並
蒂花春風鶯語相思樹生憎金縷畫門楣枉取沈香帖欄柱背
畫天圖子負星手傾鐵冶儂成錯蟬衫麟帶幾時還空寄揚州
蒲鍛環憶得淚淹蛩蛻褥分明夢到鳳凰山芳草萋萋二三月
不堪冉冉韶華沒牛踏沙痕認宿蹄龍歸藥店存枯骨黃蘗偏
生梅樹邊合酸忍苦一年年舞衫拋去瑤釵折博得旁人說可
憐行雲泥絮空留戀何處因風託方便桃葉輕舟祇載愁芳姿
團扇羞相見與歡相見在何時玉局空陳未有碁倦按皂莢煎
衣藥嬾取桃花合面脂儂說三更書石闕阿誰解是夜啼悲

團扇詞

小闌閒煞好花枝萬綠如烟雨過時莫唱流連團扇曲秋風瘦
損謝芳姿

輕羅小扇竹方牀乍試生衣減舊香貪凭紅牕看明月露華吹
土玉釵涼

題青溪女史蓮花冊子
美人家住青溪曲記得芳名喚珠淑蘭氣宜餐石葉香韶顏似
琢茗華玉明慧天然林下風銘椒咏絮最能工嬉春不鬪呼名
鳴視夜常聽待漏龍弄墨燃脂坐瑤薦玉臺妝罷無人見貼地
團窠青雀裙敲風寶粟金蟲釧丹青結習未能忘畫本徐黃蜀

芙蓉山館詩鈔

卷二

二

錦裝玳瑁牖明朝點筆琉璃硯冷畫研香雁來燕去韶華暮鴛
鳥爲媒坐相誤可惜羅敷未嫁年早跨飛鸞入瓊圃蟬文蠹簡
總飄零鬼唱秋墳不可聽剩得鏡奩三尺絹芙蓉花底憶娉婷
風鬟霧髻湘江道羅襪凌波自娟好可是卿卿自寫真芳根度
出污泥早想見湘簾小閣邊扞衫揜袖譜清妍拈來香粉真如
夢點到明珠不肯圓此日休誇寫生手圖中悵恨君知否蛺蝶
雙棲並蒂花鴛鴦穩傍同心藕冷香寂寞奈愁何願證無生優
鉢羅不羨橫塘小兒女畫船輕槳采蓮歌亭亭瘦影田田葉露
重烟寒那堪摘自憐妾命不如花誰說花顏勝如妾彷彿湘娥
贈錦裘調鉛吮粉費沈吟箇中不畫青蓮子恐被旁人識苦心

熒熒犀角珊瑚暈不爲殘秋減丰韻裝池綠皺衍波箋壓尾紅
鈴倅邪印苦雨闌風長板橋斷腸神碣小墳高寒宵踞鼠巢荆
棘黑月鴛鴦哭葦荇花魂凋落增悲痛嚴霜翦盡相思種蓮座
應飯選佛場蓮舟好做游仙夢天葩吐艷世無雙冉冉紅衣照
碧淙錦襖珠囊好珍重莫教紅粉墜秋江

閒適

微風吹紫蘭襟袖生幽香開牖撫玉琴湛湛明月光徘徊下前
除清景不可度垂蘿結飛烟餘花墜暝露丹經伴雲臥愛閒復
懷仙龍鸞不可待蓬壺路茫然牕引天翠虛池涵水華碧冷然
夜已深松峯起寒色

芙蓉山館詩鈔

卷二

三

青山莊歌

誰家圍枕青山麓野棘荒榛亂人目洞戶交銀蝕土青壤牆澁
浪粘苔綠瓦碎香姜剝故基摩挲斷碣總然疑路人指點爲余
說曾見名園全盛時名園臺榭遙相接壯武家聲傳八葉珍樹
春深集紫鸞蕙欄日煥延紅蝶冶遊子弟盡雕華連轡經過趙
李家璫勒珊瑚鞭盤宛馬繡衫白帽訪奇花戲馬尋花不知倦青
衣又報開華宴醉客玻璃七寶杯贈人蝙蝠雙翎扇鈿笛銀箏
樂未央鵲爐微炷水沈香煎酥蠟化勞薪爨博進錢將寶斛量
孫家荆玉芳年少莫家瓊樹清歌妙鳳脰燈明粉靨迴麟毫簾
捲紅粧笑人傳王謝舊烏衣少俊聯翩世所稀從道風花春晝

永甯知歌舞彩雲飛浮生一枕黃梁夢繁華轉眼成悲痛蕭厓
飛蚊一旦空紫標紅勝成何用雕碣文楣持與人檣籬敲側半
無門到公奇石鑿爲白杜老長松伐作薪濕濕壞道哀湍去荒
徑無人鬼相語猶有兒童拾斷斂記得當年教歌處黑月淒風
烏夜啼野棠花落窺狐狸重題舊事君應淚欲問遺蹤我亦迷
乍聞此語心悒怏世途翻覆猶迴掌綠野堂荒麋鹿遊平泉莊
廢蓬蒿長欲去還留倚短亭夕陽城角不堪聽無情最是潞山
色闕盡興衰眼更青

春江花月夜

華月流光夜潮滿春嬌入骨瓊花煥明波不動錦帆迴殿廊三
芙蓉山館詩鈔卷二

四

千鬪歌管紅梁一醉夢都迷江水無情不向西萬斛衰螢葬秋
雨玉鉤斜畔子規啼

潺湲引

潺湲引者令貽伯氏自度曲也伯氏工琵琶製此曲癸
己夏夜聞之廣勤齋中喜爲作歌

我曾夜宿青山裏萬壑松泉入幽耳跳珠歎玉令公喜今夕何
夕聞此聲檀槽金屑鳴棖棖恍疑閨風巔上行足底水樂流琮
琤慢撚輕籠夏宮徵一派寒聲赴纖指綵霞亭華月起寂不
聞喧夜如水忽然入破不可聽變幻萬象歸空冥驚涎彈舌韻
噉噉老鶴刷羽音泠泠水明浴渚降窈窕草枯青冢啼姆婷三

尺么絃裂秋練四條瘦玉敲寒星飛流瀉入金碧浦瑤漿迸破
琉璃瓶靜中不辨洄與渟叢鈴碎佩鏘瓏玲我聞此曲狂興發
拂袖竟欲凌風颺人閒絕調許誰和紫晨擊磬緱山簫曲終飄
落神靈雨幽修仙與湘娥語潺湲餘響流不住一片空山冷雲
去

偶成

颯館梧桐樹先期報早秋一庭涼雨過滿地碧雲流犬吠人爭
渡鴉啼月上樓誰憐今夜客又作去年愁

夜半

華風吹缺月半夜上南樓涼簾回殘夢明釭照獨愁葉隨螢影
芙蓉山館詩鈔卷二
墮露入竹根流誰遣眠孤館俚俚易感秋

五

美人篇

燕啄樓前楊柳花紅樓十二美人家菱鞋帳捲含香霧瑋瑋牖
開爛曉霞香霧曉霞相照映侍兒朝拂盤龍鏡綵絡垂垂嬌鳥
呼金鈴隱隱獨兒醒醜面纔煎五蘊湯褰帷小步下斜廊螺痕
巧畫南都黛花餅新翻北苑妝出水芙蓉競朝日含嬌含態曾
無匹輕擲錢愛賭碁薄施狸薦親調瑟慧性玲瓏出化城穠
春何處最關情櫻桃花下三分月荳蔻稍頭百轉鶯南曲長干
踏青路珠扉小立窺紅步璫勒雕鞍逐隊來諸子繡褊尋芳度
誰家年少駐羊車細語殷勤問妾居只爲才情憐犬子也緣姿

貌認檀奴君情妾意相縈繞萍梗因緣託蘿蒿貽妾青瑤鸚鵡
環贈君紅錦蜻蜓帽織女黃姑水一涯不愁約誓兩難諧佳期
願攬同心結祆讖休成獨見鞦韆春鵬秋蟀韶華改誰識相思易
憔悴怨曲聲聲歎白頭冰壺顛顛承紅淚可憐魚雁久沈浮鳥
柏門前盼客舟待月倦傾銀鑿落催花怕聽鈿篋夜深響卜
青銅片可許今生暫相見已抻長恨五留連誰看豔飾雙行纏
亞字牆東獨憶君燒殘鳳腦思氛氲妾身已是沾泥絮不作巫
峯別岫雲

綠珠曲

雙角井泉寒咽咽玉籠哀叫情天裂一斛珍珠換淚痕血花碎
芙蓉山館詩鈔卷二

六

作珊瑚雪

艷骨成塵到地香更無鸚鵡喚珠娘桃花零落吹紅淚夜月高
棲一笛涼

夜夜曲

洞戶迎涼吹晶簾凝夜光愁人不能寐躡履步斜廊斜廊寒色
裏露氣清如水鴛鴦香夢醒菡萏芳根死烟彩冷冥冥娥池漾
落星含情倚羅幌背面對銀屏自憐妾命薄千里相思各蚪箭
水頻催鯨燈花又落琪樹爲誰攀征夫山上拔開金屬成擊
碎玉連環幽懷耿難訴韶華空擲度織成魚文錦寫遍鵝毛素
妾意託春潮君情竟寂寥望歡歡不見玉貌淚中銷夜永愁相

續形孤影相逐殘月不成光濛濛上疎竹
狂歌贈吳斧仙

饑鷹能啄肉倏爾凌九霄餓麟不噬人誰爲落一毛男兒失足
墮塵劫斷蓬飛絮隨風飄但令胸有三尺錦筆有五綵毫凌轍
屈宋驅雄喪家無僮石亦足以自豪生不讀致富書死不入貨
殖傳莫言酒削與賣漿齷齪錢愚吾所賤市兒侈口笑不休如
君自合終窮愁聞言不荅掉頭去扇扉吟嘯聲野居無華堂
卧無被窮年薪米難爲計拔劍空爲斫地歌擊甌尙有干雲氣
世人吝一飯餓死韓王孫義不受人惠區區甯足論吳兒木石
心如君最耿介才名溫人又禮數方三拜咳唾紛珠玉著作高
芙蓉山館詩鈔 卷二

七

等身青蓮去已久倜儻無其倫成言可一家流輩推爲伯人生
良已足何爲坐嗚呃朝不食夕不食出亦愁入亦愁安得葡萄
十斛恣拍浮下視俗物如蜉蝣我曹踏地有千古金紫貂蟬那
堪數局局甘爲轅下駒營營肯慕倉中鼠暮收虎爪持霜金御
風昨夜空中行城頭嚴更四五聲滿庭秋氣寒稜稜脫帽狂叫
爲君吟繁音促節傷我心傷我心淚盈臆腰閒寶弓勁如鐵可
憐有虎不得射

董小宛貼梅扇子歌同錢竹初賦

九華宮扇裁紈綺錯翠鉤紅世無比甯須漢殿織麟毫不向謝
家誇麀尾活色生香點綴工折枝梅萼影重重孤山萬樹花如

雪飛入卿家便面中奪得仙人掃花帚收拾冰姿出塵垢畫圖
嬌面試春風未要徐熙誇妙手纖指拈來上碧綃忍令香粉逐
春潮招涼曲院藏羅袖待月西樓傍翠翹共儂小招紅牙脆掩
映歌唇逞妍媚吹到嗚嗚鉦笛聲恐教顛顛冰花墜煙魂月魄
太分明入手翩翩蟬翼輕借問當年誰鬪巧依稀記得董雙成
雙成家在金陵住門前便是長干路射雉參軍正妙年飛梁架
就銀河渡錦幕文牖貯粉兒明霞爲骨玉爲姿劇憐妾命如花
薄偏遇霜欺雪壓時當筵曲唱家山破高家兵馬闌江過細雨
關山正斷魂澹妝恐被塵埃泥歸來魚鎖鎖重門寒食東風度
好春妝閣新翻方麴樣一枝爲贈遠遊人素英狼籍梨雲凍一
芙蓉山館詩鈔卷二

八

去珠宮騎綵鳳塵世難逢萼綠華師雉空入羅浮夢篋頭點點
淚花圓剩墨零紈總可憐君不見謝娘團扇曲一般辛苦五流
連

蘇軾廢寺

松杉鬱然深遙指空王宅入門無人聲棲鶻驚磔磔卧鐘苔篆
青頽牆土花赤塵埋狻猊首泥墉龍象脊古鼎冷不然殘僧瘦
如腊宵寒鬼吹鐙徑僻犬疑客飛鷗互格鬪鳴螿聚啾噴銷磨
匪自今繁華記猶昔劫灰歷千載慧眼纔一瞥變滅殊無端持
以問禪伯

倚竹蕭蕭彩袖寒爲誰憔悴帶圍寬思如圍客纜千尺淚似鮫人滴滿盤慵奏新聲調火鳳頻封密字託青鸞中庭檢點閒花草莫種相思種合歡

少日人誇咏絮才華年如水苦相催獸環銅澀花樓閉鳳騰香銷黛帳閒記得小名書玉冊曾因歸夢到瑤臺蕊珠幾許游仙伴不爲多情不下來

珠帷帖地掩蘭堂寂寞銅蠹漏水長榆塞路遙稀候雁鍼樓瓦冷下寒霜時常搖落難回首人爲聰明易斷腸獨向合歡牀畔坐愁眉慵髻不成妝

庭院深深道韞家白銅鋪映綠牖紗朝妝嬾試金跳脫夜破空芙蓉山館詩鈔卷二九

薰玉辟邪閒展畫又臨北苑每尋仙籙憶東華懺除慧業渾無計願上瑤壇掃落花

任他豪竹閒哀絲未抵儂歌子夜悲龍落店中餘瘦骨燈明甌土只空碁浪乘幽夢尋梧子獨守虛幃咽藥枝翦盡田田千萬葉也應天有見蓮時

亞字欄干猩色屏羅衣如霧倚娉婷彎環月照雙魚鑰蘊藉風搖九子鈴小砑鸞箋填恨字自持犀琖酌湘醪隔牆徹夜檀槽響那管愁人不願聽

迢遞蓬山路幾千怨他烏使不相憐定情空贈琉璃七佳約難傳翡翠鈿鏡裏朱顏銷往日夢中紅淚泣韶年來生願作青萍

葉傍着鴛鴦個個圓

聞道慈航慧海過拏儂成佛到修羅也抻誓誓銷烏鰲不遣新
愁上黛螺一卷金經繙貝葉半鱗檀篆禮維摩還憂小劫難偷
度阿母偏逢九子魔

曉仙謠

碧桃花謝露華寒笙語幽修喚玉鸞十二飛樓人小立曉霞紅
似曲欄干

冬夜曲

雪飲含春語雲初約夢歸夜長燈燄短愁卷楚羅幃

短歌

芙蓉山館詩鈔

卷二

十

公莫舞聽我歌繁音促節傷坎軻淚痕霑袖斑斑多生前一盃
酒身後一邱貉問君何爲慘不樂途窮自合困饑寒身賤何妨
委溝壑嗷嗷征雁求其曹夜闌歌歇風刁騷搔首迎望明星高
跨鶴將安歸騎虎不得下家徒四壁苦無藉撫劍悲歌向中夜
愛博竟無成放顛輒遭罵不從醉公博倦學樊須稼身世茫茫
足悲叱食牛倘得五穀皮且向豪門問奴價

謝朓割氈來伯桃脫衣贈稱貸無端果友生我躬貧薄天所命
萬端耿耿橫心胸窮交今古誠難逢少來義不當人惠到此愧
赧難爲客冥報相貽虛語耳男兒飢餓倘不死若負公恩有如

水

栢絲利屣五文章
璧者著之無輝光
錦囊身毒八銖鏡
盲人持照不見影
靈珠委泥沙
白璧沈草萊
珍奇棄置良
足哀男兒富貴須及早
誰能刺促相看老

誰積萬斛粟
易京走麋鹿
誰藏千窖錢
金谷生荒烟
黃頭郎君竟餓死
銅山摧塌殊可憐
搜括金刀聚珍寶
蕭家阿六生活好
紫標紅榜散如沙
齷齪錢愚何足道

衡門風雪寒
蕭蕭中有一士方
纒袍半牀
荷席積塵土
旁觀嗟惜妻孥嘲道逢癡肥兒
聯翩數十騎
黃金絡頭青絲轡
躩躩交衢炫都麗
汝曹但足誇兒童
脫下衣帽欲何計

欲耕作無良田
欲行買無金錢
男兒讀書真大錯
一卷青編飽芙蓉
山館詩鈔

卷二

上

花蠹豈有陶朱致
富書空作揚雲逐
貧賦他年整頓鐵補襠
臂鷹放犬南山岡

巖城隆隆四更鼓
空室精靈聚相語
陰雲滿野昏不開
老樹鴝鷓嘯
寒雨南來征雁謀
稻梁蘆汀沙渚羣飛翔
我獨何爲困溝壑
不得搏扶上寥廓

猶風怒號雲氣惡
嗚咽荒城響哀角
黑月無光鬼車哭
今夕何夕歲欲徂
朔氣凜冽斂肌膚
銅盤殘蠟青模糊
腸中九曲轉愁縷
握筆酸呻不成語
躑躅空庭涕如雨

少讀東華錄
曾慕求神仙
更遇方外士
授我黃庭篇
閉口嚼紅霞
輕身凌紫烟
追征僑侶偃
鞭鸞笞鳳紛
翩躚金丹久不成

回顧心茫然君不見鮑魚一石腥風起茂陵桃樹蟠根死漢武
秦皇尙如此

學仙旣不成不如圖作佛斗室焚旃檀瓊函展金甌西方舍衛
國峨峨青蓮花三十二相觀如來千八百佛朝頻伽人生如電
復如泡火宅煎熬人易老六根八苦永糾纏兜率天宮豈能到
龍劍忽鳴嘯誰望長安發大笑丈夫生世有壯懷何辭跋涉適
長道跨馬出門去踰巖度嶺嶠元猿跳梁杜鵑叫擊節高歌行
路難虎牙銅柱金牛關摧輪折軸胡不還

君不見文通貧採樵叢中拾得黃金貂僧孺少鬻布道逢騶卒
溝中墮朝吁暮嗜愁不歡古來才士多孤寒子昇賃馬坊楮生
芙蓉山館詩鈔卷二
困牛屋鬱鬱終天恨不銷誰憐風樹泉魚哭

和晴沙舅氏謁惠陵作

益州險塞今何在四尺蒿墳尙屬君孺子無心綿帝祚譙侯多
智識天文蠶鳧王業三分定貔虎雄師一炬焚終古英靈遺恨
在峽流鳴咽不堪聞

玉壘山川拱帝都樓桑片土啟雄圖普天齊奉黃初歷大統終
歸赤伏符八陣風雲長護蜀千年魂魄悔征吳相臣逝世後降車
出難問流離六尺孤

回首荒宮是永安棧雲關樹路千盤沙沈斷碣文章碎峽鎖危
祠劍佩寒此日邨童喧社鼓當年上將築靈壇行人駐馬斜陽

泐天豈有意存微纖荒原颯瑟伴孤兔幽巖黯黠叢蛇蚌精光
夜上觸牛斗靈神默護趨屏黔爲幸精英盡洩露旋恐零落無
留淹著書重訂琳琅譜蘊奇密鎖瓊瑤械未央宮瓦礫作硯上
林苑竹磨爲籤蕭齋得此足三絕縱有奇賞無容添

早春詞

水晶簾外篆煙飄春在牆東荳蔻梢喚取扁舟載愁去雙槳移
過畫眉橋

長堤織草綠初勻節過傳柑物態新一樹香桃如瘦骨退紅衫
子立春人

早羅襪額壓紅棉珍重春寒上寶釧樓角明星闌角月試香風

芙蓉山館詩鈔

卷二

酉

裏落梅天

錢忠懿王金塗塔瓦歌

昔有篆文曰顯德二年乙卯
錢王宏假製向在西湖寺

貝闌琳宮啟華闕云是錢王布金地椒牆剝落帖花檉龍帳森
寒鎖幽魅訪古人來叩法扇摩挲神物易飄零天衣中坼青猊
座劫火延燒白甃經臘有嵯峨相輪在土蝕塵埋經幾載什襲
欣看趙壁完護持不共梁甌碎刻畫丹青入細曆幃幃瓊瑤現
修羅徧傳大衆優婆塞共禮前朝宰堦波相傳此是宮中物錢
王舊事人爭說虎落雄圖十四州龍天慧業三千佛良工當日
試雕鏤朱火烏金躍冶流七級浮圖初鑄就人天珍重勝琳球
無端納土京師去蒿草蕭條故宮暮內府圖書秘色窯流落人

閒不知數瓜子南金賂趙公十瓶海物尺書封裏蹶輸去黃草
盡那有餘貲給梵宮塵寰無路求回向不知去遂降王長談禪
早已放屠刀磨戰底須排甲仗麟帶貂袍拜太師一家湯沐奉
恩私始知北面朝元日却是西方證果時閒來日寫金經前此
塔依然作清供翻笑癡兒卧榻旁等閒不醒維摩夢斷鐵零金
總可憐劫灰寒地不重然幾行蜉蝣書名字并識柴家乙卯年
好奇今有平原子購得奇珍歸趙氏
余友昆陵趙映川購得之 瑣瑣饑蟲蝕
碎黃斑斑古血凝殘紫洛下銅駝荆棘荒仙人流淚別咸陽古
今一例難回首幻影空花悟法王

春閨思

芙蓉山館詩鈔卷二

掠削妝新倚繡楹攤門竟日不安橫裏沾甲煎龍綃重鬢著膏
蘭蟬翅輕薄暝簾櫳飛燕影細風庭砌落花聲無聊又掩屏山
睡一枕春愁夢不成

試燈詞

九分圓月湧珠華柳外東風散暮霞銀海潮生天不夜春星萬
點落誰家
博山臆子水沈薰香繞金泥蛺蝶看寶苜千枝迷夜色小樓紅
上美人雲
織雲卷盡碧琉璃銀漏冷冷月漸低七寶闌圍鏡四面夜深移
影過花西

當筵按罷紫雲迴，鈿笛低吹唱落梅。一片花光照涼雪，水晶簾
卷夜珠來。

正月十六夜

春星窺戶薄寒增，坐到銅荷燭淚凝。對酒不堪聽白紵，尋山只
擬辨青藤。夢迴冰樹人吹笛，風滿江城夜落燈。瘦盡梅花消盡
雪，後堂簾幙正層層。

碧雞曉唱扶桑枝

白榆照眼光參差，盤龍明鏡鑿嬌影。蕊珠宮
裏新妝遲，雀扇圓圓掩神女。花前顧影低，徊語孺壺一點貯。雲
膏灑向枝頭作香雨，迦陵仙鳥雙紅翎。銜書密約千娉婷，當筵

芙蓉山館詩鈔

卷二

去

小飲不成醉，蘭飄宛轉吹。幽馨娃鬟悄，遞蓉城信。催花小牒泥
金印，綺閣新更舞鶴衫。犀梳巧掠鳴蟬鬢，油幢雙引朱斑輪。陌
頭欵欵追輕塵，仙芬昨夜染花骨。桃腮柳眼都含顰，閒來自掩
文鱗。鑰蒜影低垂，壓簾箔涼露如烟。麗草香春風無影，瑤華落
欄前。千頃瓊田寬，斑龍嬾耕玉子寒。夜深獨坐校花冊，蠶眠小
字絲盤盤。人閒颺鳩呼春早，零落嬌魂滿層道。一樹棠梨傍夕
陽，碎紅顆顆如錢小。

寒食日九龍晚歸

買得蜻蜓一葉輕，叩舷歸路不勝情。那堪佳節逡巡去，又背名
山宛轉行。薪水遠浮菱荇綠，夕陽低傍鷺鷥明。無聊賸有微吟

興遙和漁童款乃聲

廢宅行

殘蘿絡牆苔覆瓦雙掩朱門夕陽下
路人說是將軍家珠歌翠舞曾繁華
昔年籍没入官府大印嚴封少人住
墻欄寂寞疑暗塵哀桃墮紅吹古春
樓頭野鳩來哺子鼠閉空廚饑欲死
深宵黑月照斜廊虛響疑人復疑鬼
彈指滄桑能幾時麋遊兔窟不須悲
君看今日桑麻地半是當年臺殿基

古冢行

白楊三尺巢訓狐羣飛樹頂爭哀
諱髑骸歲歲葬秋雨血花迸作紅
珊瑚拜壇高處苔錢溼漆炬宵來
挾沙出棠梨吹霧冷冥芙蓉山館詩
鈔卷二
冥春風到此無顏色墓前松樹三兩
窠野蠹蝕盡空枝柯樵人持斧斫將
去至今望裏黃蒿多麒麟偃卧左肢
折斑剝紅脂似凝血豐碑篆字半模
糊移作前村浣衣石

泛舟

筍輦櫻笠爲春忙竟日沿河繞野塘
蕭寺遠猶聞粥鼓厨母寬可著琴牀
一陂新水蒲牙淨兩岸繁花蝶粉香
無奈吟情近疏索小奚蹄去只空囊

飛龍宮歌

潞州城上黃龍起潞州城中瑞雲紫
龍種作事非尋常鐵騎宵飛入宮裏
歡譟人趨白獸門李家重關舊乾坤
黃麻且下恩如

水繩仗晨排騎似雲昇平樂事今朝兒鯤海雞林慶清晏報道
官家幸潞州虬車昨下神龍殿凝笳清吹來故宮崑崙勝額名
飛龍撻牛醜酒縱高宴漢祖不須誇大風屈指龍飛年十九比
戶年年歌大有玉敕飛來禁捕魚恐教龍落漁人手端正樓頭
夜宴高嘈嘈橫吹閒秦簫翠盤舞破霓裳曲不道龍齋竟作妖
從此漁陽鞀鼓動豬龍撼海波湧苦霧愁雲入劔門江頭宮
殿空如夢回首烟氛一掃開哀鶻啼血喚歸來雙魚夾轍春江
渡父老爭看龍馭迴射生五百持弓矢阿瞞此日幾兵死辟穀
南宮鎖鑰嚴滿眼淒涼怨龍子餌石燒丹總渺茫鼎湖歸去路
途長行人欲識龍蟠處蔓草斜陽金粟岡

芙蓉山館詩鈔

卷二

大

寄題袁簡齋師園居

不是迎詩客經時掩竹扉
草深行藥徑花覆釣魚磯
石古苔成篆花香蝶換衣
春來足佳味白薤帶霜肥
籬石藤爲架臨溪樹作橋
藥欄飄鶴毳萍渚鬧魚苗
酒料封春壘詩丸納木瓢
何當拂桂棹問字不辭遄
知足猶耽讀忘機不廢詩
晚風猿蝨落新雨樹蛾滋
去鳥有遺響遠山無定姿
美人隔天末憑眺足相思

暮春清華從祖招箕谷叔亦齋兄小飲寶綸堂時牡丹蕙

蘭盛開卽席命作

銀雲櫛櫛鋪織羅半規蟾影沈微波春風笑人人自笑不飲如

此良宵何七寶香車五明扇百卉爭呈晚妝而才子工吟鏤雪
詞主人早做催花宴相邀南道阮嗣宗更約束頭陸士龍酣歌
共惜蘭夜短沈醉莫放螺杯空花紋榻子烏皮几揮麈高談衆
香裏鈿影蟠蟠寶篆明蠟珠顆顆銅荷紫滿庭烟重月斜時和
芍烹椒入宴遲供饌爭應刳玉版堆盤魚盡鱸銀絲落落高雲
墮烏鵲巖城欲上菱蕤鑰滴水生憎銀箭催當筵更引金壺酌
良會芳筵欲別難夜深花暝露華寒卷簾重看千年樂把盞頻
澆九畹蘭出塵標格傾城貌宛轉風前共顰笑湘娥倚竹影迷
離妃子熏香態妍妙小步名園六曲廊酒闌百感正茫茫我憐
癡絕王家叔誰識愁多衛氏郎昭華小珩花前擊更數花房摘
芙蓉山館詩鈔

卷二

九

花葉九枝燈影傍花明驚起花心綠蝴蝶爲祝名花歲歲開緘
書邀客約重來金鯨壓酒觥船滿一月花開醉百回
和唐張夫人拜新月詩

拜新月拜月出疏櫳簾隱螺痕碧香煨獸頸紅拜新月拜月妝
臺畔翠幔上龍鉤珠樓弄花珩拜新月拜月暗尋思記得妙年
時憑欄看樹影映水掬雲絲蘼花開盡陽春暮迷雀西飛雉東
去魚信難傳碎葉城蟾輝空照衰蘭路麝枕檀篝伴獨眠低頭
彈淚落金鈿那能三五團圓月長照紅闌二八年

斜港流花影輕雲逗雨絲愛聽漁子曲獨過水仙祠宛宛春深

候騰騰酒病時雛鶯知有恨啼斷綠楊枝

過蔣重光齋頭談去年穴地得古棺事感賦

棺中人官收儼然蓋蕭梁

時妃嬪也

荒烟白草蘭陵路黃土如雲葬眉嫵通替棺歸姓女魂輒軼碑
記宮嬪墓陵谷遷移閱幾秋劫灰飛盡鬼神愁昔時青櫟叢高
冢今見朱門起畫樓怪底秋齋漆鏝出穴地驚看得奇物石堊
斑斑兕櫛開梅灰肫肫犀釘脫玉容猶是故宮妝九樹花鈿作
兩行殉葬未曾殞玉椀招魂不用拾香囊桐棺七尺無銘誌苔
繡模糊不成字廢井爭傳梁苑基才人解說蕭家事可憐金粉
委蓬蒿零落殘骸認六朝麗質幾時花底活穠歡早向掌中銷
芙蓉山館詩鈔卷二

字

蠶雁無光沈壞道觸懼那得重妍好夢破誰歌瓊樹花魂來應
化金盞草是處夷堅紀異多千年遺蹟未銷磨秋墳鬼唱黃華
子舊浦人逢鄭婉娥我亦三生惘悵客擁鼻微吟淚沾臆月落
修門陰管寒雨零石室愁燐碧三徑依然蔣詡家牆東便是玉
鉤斜春風怕到銷魂地桃樹年來罷作花

落花

落花吹不盡春亦戀江南日照犀簾押人窺玉鏡函砌香留碧
草筐煥長紅蠶歲歲銷魂候芳辰三月三

遊大樹園呈劉菽原

一徑穿蘿辟軒窗爲客開遙山似圖畫滴翠入亭臺鬪雀行階

草遊魚唼水苔微吟不成詠繞柱久徘徊
飛蟲低避燕戲蝶暗隨人偶爾尋幽徑難忘是晚春花房承泣
露日隙看流塵更愛蓮塘靜從君乞釣綸

風驗綠絲
一賦傷心掩淚題歌殘紈扇倍淒迷天教柘館摧龍種免向屏

題桃葉渡江圖

小艇明波入畫圖過江風調數官奴三生自詡情緣重記得鄒
家阿姊無

李夫人

芙蓉山館詩鈔

卷二

三

紫絲複帳輕如煙蕊宮飛下瓊璫仙嬌鬟低擁黯無語一朵梨
花泣香雨珠樓小鳳聲啾嚶環戛月寒錚錚花雲如夢無留
影吹作煙絲墜秋暝銅蠹滴水更欲殘茱萸灰燼猊鑪寒回首
明星爛如石天乳無聲點衣碧

寄懷錢竹初

葡萄美酒瀉千鍾憶昨蘭陵雅會同南國清才推謝朓東隅狂
客認王融曉寒簾幕藤花雨暝色林塘燕尾風此日相思眇天
末爲君惆悵句難工

一舸寒江袂易分歸來孤館賦停雲六朝金粉還餘我兩晉風
流最憶君彩散魚霞明遠岫花開燕麥濛斜曛何年招隱山南

北好策華陽十賚文

彩筆江郎別恨多芙蓉江上水層波尺書寄去煩青鳥遠夢歸
來認綠蘿小搦狸毫慵作字偶敲銅斗不成歌相期射鴨菰蒲
裏獨速船頭舞短蓑

元亭寂寞掩藜蒿偶有人來聽解嘲睡起亂抽蟬簡讀吟成虛
費麝煤鈔紅珠的皪櫻垂子青玉參差竹破苞更拾汀洲芳杜
若臨風爲贈歲寒交

春感

侵曉空林鶡鴒鳴愁多不耐餞春行半池水氣蒸雲溼一角霞
輝抱日明到處揶揄應笑我此中空洞儘容卿洛生咏罷支頤
芙蓉山館詩鈔卷二

三

坐一任人嗤老婢聲
九辨摹成楚些歌一通小字寄清河落花風定新詞富草芳春
深昨夢訛紅爛櫻桃垂畫檻粉香蛺蝶戀晴莎無端煙景添惆
悵幾度登臨喚奈何

前身結習破書堆蠹簡零星散罨煤慧業生天誇阿客精心奉
道笑方回閒塗故紙酬詩債細拾殘花當酒材正欲劇談無客
到東頭老屋盼君來

謂荔棠

元亭門掩不通輿倦枕琵琶午夢餘嬾誦維摩金字偈細鈔靈
寶玉函書女牀聞集青鸞鳥碣浦誰乘赤鯉魚浪說游仙歸路
近五城樓閣是僂居

珠江曲送徐彥卿之粵東

芙蓉湖頭春水流芙蓉峯畔春雲愁沙棠雙槳木蘭柁送君遠
向珠江遊珠江曲曲環南國丁星金翠繁華窟蠻鄉怪物近龍
編海國方言通象譯蜃雨魚雲積水東山川形勢霸圖雄誰
葛令丹砂井莫問劉銀碧玉宮珊瑚扇子猩紅履珠江佳麗人
爭說秣厲花開艷雪香檳榔子熟晴雲熱珠江淺瀨激金沙素
足珠娘慣浣紗日煥章魚齊上水樹深么鳳共銜花富商巨估
相誇術奇珍入手如泥賤蠔甲堆成亞字欄鮫絲織就冰紋縠
君去珠江南復南珠官風俗舊曾諳秋深桂嶺爭鑽蝨春到花
田學種蚶誰誇羅韞凌波步葉葉花舫粵溪渡怕被嬋娟一笑
芙蓉山館詩鈔卷二

三

鄂宮詞

庚嶺歸來使寄我羅浮鹵一雙
留莫耽香粉三年住十八灘頭走急瀧計程五月下珠江儻逢
歌吹西陵冷墓田珠襦甲帳散如煙祇應銅雀燒殘瓦曾見黃
星墮地年
晉宮詞
侵階細草綠纖纖祕殿春寒響漏籤日暮落花深似雪羊車不
認竹枝鹽

錢二十二韻

魚伯飛來後平添利海波斲銅耶水曲鑄幣厓山阿輕影翻鯨

芙蓉山館詩鈔卷三

將重梨花莊歌
相傳吳興富民置妾於此妾愛梨花曾植梨萬本今廢

址不可問矣作歌記之

荒村路遠蓉湖曲中有豪家舊金谷不見梨雲照眼明生憎草
露黏衣綠鏤檻文樞盡已傾繁華過眼易漂零空留壞道埋殘
甃誰向重樓問故釘昔年此地花娥住愛花曾作名花主蛩
鼃種鋪散玉塵蟾蜍牖掩圍瓊樹玉塵瓊樹擅豪雄人是吳興小
沈充買得嬌郎吹笛妙攜來姪女數錢工文魚兩兩隨蘭櫂夜

芙蓉山館詩鈔卷三

一

向蓉湖渡頭歌粉鏡妝成喚窈娘金屏開處迎桃葉愛種交梨
萬樹花萬花深護美人家雪明簾額侵香蝶月到樓頭噪玉鴉
陽春二月韶光裏朵朵寒香覆池水冶葉暹遮種壁田交枝直
接燒金蠟蠟椀膏毬夜宴遊最憐香霧鬢珠樓綃衫舞罷迎人
笑素面勾來對影羞露脚飛飛風草草狼籍穠華滿層道舊井
唯栽北苑桃廢基留種東家棗回溯風流亦可憐荒苔何處葬
花鈿綠珠艷骨銷成土紫玉嬌魂化作煙黃蒿青樗埋殘壠倩
誰重取芳根種壁紙慵廣江令詩看雲且續王郎夢翠燭無光
冷夕曛瓦棺玉雁鬱金裙多情應化紅心草歲歲東風護小墳

讀趙璞函先生婣雅堂詩集卽以用之

趙公側儻真奇才獨立南國風煙開詞場已推萬人敵墨池欲
引千瀾迴少年薇省然官燭旋賜牙緋直天祿妙選應歸劉祗
書詞人解識王甯朔劍外蠻兒竊弄兵虎符龍幟大軍行憂時
定遠甘投筆出塞終軍願請纓白鹽赤甲重山遠鐵騎無聲踏
邊草爲試千言倚馬才甯愁萬里盤羊道幕府將軍擁節旄飛
書馳檄爰枚臯鮫文劍重霜華冷燕角弓開月暈高銅鑣蘆管
邊聲惡萬帳弓刀排柞鄂才子能翻破陣歌征夫盡唱從軍樂
狡黠妖酋竟陸梁鐵菱鹿角少周防尸填柳港人無主箭盡蘭
山事可傷身是三吳好男子七尺微軀明白死拌將朽骨葬沙
場賸有才名照青史生死終隨大將營望鄉腸斷沈初明誰憐
芙蓉山館詩鈔卷三

二

玉筍金闈彥聽盡冰車鐵馬聲千盤蜀棧鶻啼苦颯沓旂旗走
風雨英魄猶提甲盾行遺文應遣蛟龍護蝨篋攜來一卷詩揆
華掄采是吾師還從擁鼻悲吟裏想見銜鬢畢命時會看勒石
巴關口不遣雄文出公手一曲淒涼楚些歌招魂酌酒公知否

題錢塘遺事後

萬里匡山浪卷沙西湖歌舞屬誰家樊樓鐙火銷沈久莫更傷
心讀夢華

出塞曲

甲騎秋風出玉關龍沙夜月怨刀環可憐思婦金闈夢不到燕
支塞外山

吳補仙告予有敬亭之行作此送之

我聞敬亭山色幽且奇雲英石黛相參差遠遊不得理輕策十
載空讀青蓮詩吳郎款門造我語別我揚颿敬亭去攜將竹杖
着芒屨欲覺青蓮舊遊處嗚呼青蓮蛻去經千春長星黯慘無

精神青山面目尙如昨冷眼闔盡登臨人一般歸骨青山路未

訢青蓮誇獨步斷碣猶題小謝城喬松深拱長江墓

賈島墓亦在敬亭

君到荒墳酌濁醪焚蘭薦芷楚詞招靈旗下食魂常在彩筆成
塵氣不銷捫蘿附葛探巖谷寂靜丹房待君宿底須餐玉學三
茅不用泥金圖五嶽身輕似挾青龍飛目力所到窮煙霏濤頭
直突然犀渚皎月長懸慈姥磯玃狸捧硯青猿走靈境天然落
芙蓉山館詩鈔卷三

三

君手破悶傾將酒百杯嘔心著得詩千首蕩蕩晴雲生遠愁送
君夜上木蘭舟名山有約何時踐千里隨君作夢遊

秋感

經案繩床半畝居分甘遲暮孰華子溪山深處招康樂邱壑中
閑着幼輿階草落紅依古石池萍沈碧襯文魚閒來結習銷難
盡又擲精神賦子虛
靈粉芸煙困此身臣精銷滅不如人爭看碧漢翔威鳳誰識空
山泣鐵麟擲鏡底須誇骨相登樓猶自憶星辰百端交集傷哀
樂未到中年已愴神

一山狂歌擊玉甌好天良夜倚層樓露凝清影隨雲散星帶寒

芒入漢流記續齊諧工誌怪賦成楚些慣悲秋年光半爲愁
負滿架蟲書嬾校讐

清淚無端浣客襟凌秋小病瘦悵悵三生空鑄金爲骨百劫難
磨石作心喚鶴銜芝雲路杳隨狙拾橡暮山深聲塵寂寞尋常
事伯玉何緣便碎琴

喜汪容甫過訪長句贈之

汪生俶儻出世姿短衣孤劍將安之江湖流浪苦復苦人說才
奇窮更奇相逢每恨來何晚掃室殷勤開酒瓊糝將何點白葵
羹捧出休源赤倉飯狂來不顧世眼驚相對拉雜談生平文人
失職有同病出吻各作寒號聲君言稚齒饑寒迫棄擲詩書最
芙蓉山館詩鈔卷三

四

堪惜弱冠方傳作賦才壯年始奪談經席五經復興魯叔陵纍
纍著作充箱籟心開突突深莫測面若刻畫森有稜奔走風塵
饑欲死撐腸萬卷徒爲耳肉食難分博士羊草衣且牧公孫豕
羌余少小趨雕華斧棗繡悅相矜誇愛儲奇字未滿腹憤拈強
韻空罄牙千秋絕業不同傳君入儒林我文苑須識夔虵總可
憐何當蛩蛩聯爲伴坐談不覺日影移榜人催上河之麋卽今
一見復奚益翻令千里勞相思留君不住我心苦握手臨歧涕
如雨他時相望越王臺何日同澆趙州土布帆無恙凌風颿秋
來應看錢塘潮潮頭儻有雙赤鯉盼君寄我英瓊瑤

和吳斧仙韻卽以贈之

桂華驚樹兩依然底事君家作謫仙一轉風輪殘劫夢半龕雲
影現身禪饑餐庚杲籬邊韭貧飢張融岸上船世路崎嶇雲路
杳此生無計了愁緣

懷刺愬恩越故鄉凍雲泥絮又飛揚春江送別人千里遠道歸
來字半囊京口濤聲春客枕微亭山色照行裝但教一拜青蓮
墓憔悴窮途總不妨

依人心事最無聊水驛山程暮復朝旅食三旬餐餽飢秋風一
夢落團焦祇應橘叟隨林住多事桃人逐浪漂從此天涯遊興
倦故園堪隱不須招

去本無端住亦難胸襟牢落不成歡神靡在野呼爲馬惡草充
芙蓉山館詩鈔卷三

五

幃日以蘭剩有悲聲歌獨漉并無佳夢到邯鄲靈方檢得銷愁
劑願向金仙乞一丸

藥裏香錫苦復甜頻伽妙偈六時拈更攜短鐺朝栽樹獨對殘
鐙夜織簾入世有緣能作達求人無術轉疑廉樂行苦住君應
悟莫問牆東季主占

醉鄉深處易句留歡伯相邀便解愁破鏡蛾眉雲疊月虛胸龍
氣劍花秋雄心不死抽金鞘好句如仙詠玉鉤倚酒懷人清不
寐今宵鮑照在南樓

秋雨歎贈顧韶陽

西風作商聲嗚咽不肯住吹聚秋空萬疊雲竟夕淋漓雨如注

荒階汨汨盈塗泥茅簷偏側如雞棲苦吟杜老秋雨嘆捉鼻未
免聲酸嘶感君有情能念我十日柴門九相過劇憐同病話悲
辛誰遣頻年困寒餓短衣被帽顏如灰坐受俗物相填豨雄文
百軸復奚益治生無術休言才狂蹤落拓棲榛莽親串經時罷
來往肥馬當風避市兒枯魚呶沫憐吾黨空思懷刺浮江湖足
迹到處皆窮途無錢誰識趙元叔索米恥詣陶胡奴如此幽寒
坐嗚呃逢人未肯低顏色客來莫解身上襦顧郎本是難衣食
峻嶒傲骨無與儔如君未合終窮愁悲聲激激歌楚調雄心憤
憤看吳鉤男兒不灑牛衣涕何事差堪快人意萬口爭傳白雪
詞十年未減長虹氣勸君且止聽我歌歌成其柰聲繁何君行
芙蓉山館詩鈔卷三

六

不吝掉頭去著屐撩衣踏秋雨

寄朱紫崖

歲晏孰華予端憂守敝廬卻寒行酒後抱病罷吟餘涉世乏長
策報君憑短書齋前松樹子楚楚近何如
一片多情月清光正抱肩相思無好夢孤坐撫危絃雁警殘燈
夜梅開小雪天何當乘逸興便泛剡溪船

春陰撥悶

半畝閒齋坐悄然香鑪貝典共延緣亡機不看麩棋譜任俠還
鈔說劍篇遮莫風光過上已可堪哀樂感中年好攜小榻簷花
下卧過春陰二月天

冥濛寒雨殷輕雷，深院閒階闕綠苔。時有野禽窺戶入，惜無佳客款關來。隔簾花醒前塵夢，經宿香畱小劫灰。一自故人千里別，春醪釀就罷銜杯。

殘蠟青熒伴夜分，鑿空絲雨白紛紛。人遊燕國三更夢，春殢梨魂一徑雲。苦爲閒愁常掩閣，任從佳節到湔裙。怪來觸景添悵

悵，昨日河干別卯君。

時二弟北上

藥鑪茶臼裊煙絲，小院更深坐雨時。幾度拈毫知思澀，偶來敲枕得眠遲。煥風蕩藥漙衣句，雪水桃花礪面辭。別有深心託繭素，任人猜作有情癡。

寒食日郊行口占

芙蓉山館詩鈔

卷三

七

偶攜吟伴過前邨，寒食風光愴客魂。一樹桃花殘照裏，冷煙如夢不開門。

小除日魏塘歸途偶作斷句

歸思恩恩逼歲除，落然寒事憶吾廬。渡頭喚得蜻蛉小，半載行裝半載書。

雁字斜書黯澹天，濛濛寒綠一湖烟。龍工欲作連朝雪，無數青山已著棉。

漁師曬網夕陽西，水淺魚寒盡入泥。閒煞風標雙白鷺，無端忍凍立前溪。

茅屋臨流三兩家，垂垂雪壓短籬笆。停橈欲問春消息，東棹寒

梅未着花

衾鐵生寒卧有稜霜痕澹白月華凝短篙撐出橫塘路聽長中

流瑣碎冰

敗葦無風亦自搖滿天星影冷蕭蕭艣聲如雁催歸急送過吳

淞第幾橋

樽酒沙鷗共數公手攜鐵笛過垂虹詩人一舸渾閒事佳話偏

傳白石翁

堊門松雨晚冥冥幾杵疎鐘隔浦聽遙指落帆風色外斷橋漁

火兩三星

安心畢竟是吾鄉碧欄紅泉引興長細嚼梅花三百朵儘教空

芙蓉山館詩鈔卷三

腹心寒香

晚春花事甚盛因寄懷亦齋兄荔裳弟

去年看花人在家一春風雨空嗟呀今年花開春色好看花人

又涉長道從來勝事總多磨每向東風喚奈何九十韶華逐塵

土兩三伴侶隔關河昨日曾過妙香閣永晝沈沈下簾幙蜂聲

滿院夕陽斜一架藤花背人落歸來孤坐傍闌干抱影空堂慘

不歡數盞銅錢人未睡薔薇花底露華寒醉紅軒駐東皇駕劉

侯酌我來花下仙娥高捧赤瑛盤狂容爭持青玉笋是處看花

勝昔年紫雲樓閣碧霞天銷除詩債何辭醉領取春光不費錢

對景真應放懷抱底事閒愁倍潦倒白日惟看北嶺雲清宵不

夢面堂堂春來花事逐番新每對新花憶故人
早莢橋頭稀酒伴青楊齋裏剩吟身錦江水煥
寅哥渡紫陌塵高卯君去鄉信千行託便風
岐途一別悲零雨東頭老屋更西頭猶記年
輩勝遊裏底新詩飛白鳳筵前妙令鬪潛虬
別離未慣多僂僂翻悔當時易分手一語憑
將驛使傳故鄉風物君思否春事闌珊花
信遲別來何日不相思櫻桃著子如紅豆
轉眼江南四月時

秣陵城南晚步

殘柳萬千絲寒花三兩枝心期正寥落况復晚秋時
蕭瑟秋將老登臨客未還暮雲濃似墨畫出六朝山

小駐青驄馬無人問阿歡南朝金粉盡空到大長干

芙蓉山館詩鈔卷三

九

悟得空王偈回頭總劫灰樓烏如有恨啼過雨花臺
新愁長短笛舊事去來潮一抹荒烟裏逢人問板橋

贈何南園

我來秣陵城十日頓征轡得逢何仲言一見託深契示我詩百
篇才情極清麗朱弦海上彈獨鶴雲中唳澄心領眾妙爽朗絕
氛翳下士競浮夸雅音久陵替懷哉陶謝手非君復誰繼愧余
莖陋姿得把淨邱袂許作忘年交齊肩若昆弟君家城南隅興
到輒見詣形骸互脫畧談噓到微細悉君邇年况棲棲若失意
連去百謀拙貧來一身贅昔年束輕裝浪游越齊衛風塵困馳
逐山川莽迢遞家遙魂夢勞客久衣衾敝弱軀漸成瘵腰腳增

疲曳驅車歸去來養疴室常閉荒徑寒兼藹窮年飽糲糲况復
歎無衣天寒北風厲淒涼一歲中生事那堪計吁嗟文人命今
古同一例趙岐憫厄屯吳均悲侘僚萬事與時違千秋令人涕
爲君抗聲歌清商激悽辰君復顧我言近頗識通蔽把書櫺際
饋行藥林間憇吳兒木石腸樂饑可卒歲始知騷雅人胸次與
俗異溫柔存古風灑落見高致所以篋中作絕無不平氣惜我
塵累多愆恩買歸樵未得諧素心晨夕相砥礪愛君不忍別臨
岐淚難制殷勤進苦言鄭重申明誓浩浩長江流蕭蕭片帆逝
別後儻相思望寄平安字

贈蔡正衫

芙蓉山館詩鈔卷三

十一

南都萃人文蔡侯最英絕在作龍泉鋒稜渥洼骨入世寡所
諧終歲掩蓬華所以夸毗人豈能識其實我暫遊秣陵深心訪
奇傑相逢陳孟公謂古漁鄭重爲余說說君抱高才窮巷闔巾褐

聯袂急訪君排闥造君室君爲倒屣迎一見兩心折詰朝肯顧
我不鄙我凡劣果幅贈我詩雲詭而波誦軒然後鶻舉君若長
鯨掣鱗編篆籀鼎璀璨金玉玦拜賜緘篋中至寶詎敢褻君才
猛且銳百氏盡穿穴撐腸五千卷文字浩盤鬱筆底怒生花眼
中森有鐵劔書霹靂手論事廣長舌平談若震厲刺刺不可厭
我亦誇辨才對君成木訥磊落如此人宜充金闕列誰使驅鷓
塵十步九蹉跌獻策棄不收謀生動成拙打頭茅屋低露肘鷄

衣裂無邊愁苦境天爲文人設君言邇年來萬念逐灰滅惟餘
爨客心耿耿腸中熱留我作狂飲壺榼自提挈家肴極甘脆村
醞頗清例窮交一飯恩真擊非瑣屑惜我難久留歸心迫冬節
暫遇卽言離團雪復散雪男兒須落拓快馬須踉蹌一生重意
氣世事等蠓蟻渡口喚歸船寒潮正鳴咽星月夜明明照我與
君別

秋夜

如鏡南朝月和烟蕩冷光曾從芳苑裏照過美人妝小劫三生

夢微吟九轉腸芙蓉知我恨一夜褪寒香

金荔屏招集隨園同何南園蔡芷衫方子雲卽席呈簡齋

芙蓉山館詩鈔卷三

七

金師三十六韻

千載蘭臺聚風流末寂寥許參名士會急赴故人招地借鱣堂

近游經鶴苑遊

是日先過隱仙巷

問奇應載酒躋勝遂聯鑣閨歲冬猶

煥名園景正韶旱蓮紅瓣瓣寒柳碧條條苔綴細紋纈篔簹抽白

瑯簫枳籬懸橘彈萍沼漾魚苗盤磴玲瓏鑿飛樓彩翠描簾旌

垂軟繡牖眼嵌明珠偶語憑虛檻徐行過小橋繞林花欲笑出

徑鶴相邀東閣張筵早南皮發興饒奇珍鏤蚌蛤佳味茗橙椒

綺席蘭羞薦瓊粿桂露澆氣豪斟百榼戶小盡三蕉雅會同游

霧高談競軋霄傳觴新命甲佐飲古歌謠舊手推無敵羣才盡

不驕繁星羅皎月巨海納迴潮絳帳彭兼戴龍門薜共姚締蘭

齊臭味倚玉各丰標燭祗三分刻香纔一寸焦擘箋看錦爛落
筆訝珠跳青兕才真健黃獅品果超酒頻傾畢鑿詩已滿唐瓢
離坐天曠黑循階夜次溲雲綃圍月額水帶束山腰砌溼梅灰
脫欄空蕙葉雕蝦蟆更緩緩薜荔雨瀟瀟斑竹畱賓榻紅泥坐
客寮歡宜終此夕別莫問來朝密契纔投稿浮蹤偶聚藻感君
陳酒炙昵我抵瓊瑤揮麈論千古聯床夢六朝他年儻相憶記
取此良宵

江樓曲

花落黃陵叫子規江樓楚雨白子絲汜人怨別湘娥泣水色山
光自古悲

芙蓉山館詩鈔卷三

三

鳳齡曲

鳳齡簡齋師侍姬妹也幼鸞某姓爲贖歸育之年十六
勝隋生川增虐於大婦投繯死師述其事作詩紀之

汝南太史人中傑文采風流世無敵羊侃筵前舞衷圍馬融帳
外金釵列我是彭宣到後庭隔幃絲竹許同聽酒酣帳觸平生
事向我低徊說鳳齡鳳齡本是蘇臺女貧向豪家傍門戶牙郎
那解惜娉媵竈妾由來耐辛苦攜出淤泥一瓣蓮青衣纔脫便
登仙漫拈郭璞三升豆判費初明十萬錢關情三五韶年紀連
髮初齊試羅綺碧玉嬌癡未有夫桃根宛轉長依姊愛惜盈盈
掌上身恐教辜負永豐春誰言絡秀堪同老願把西施別贈人

堂前文讌多賓從，隋邸風貌偏殊衆。照影人誇城北徐，嬉春女愛牆東宋。珍偶相看已目成，許將紅粉嫁書生。重重錦幔憑私語，叩叩香囊易定情。蘭期初七銀河渡，啼痕滿面登車去。從此茫茫萬劫塵，回頭迷卻仙山路。銅街別館貯嬌姿，蹤迹難教大婦知。綃帳香濃檀枕煖，一絢絲絡幾多時。宜城郡主威名重，搜牢驚破巫雲夢。浪說王家九錫文，短轅長柄成何用。架上拋殘金鏤衣，篋中奪去紫鸞篋。粉痕狼籍垂鬟卸，扶入車中不敢啼。檀郎隔絕無由見，秋雨秋風閉空院。九轉柔腸對暗鐙，千行愁淚吟團扇。絕粒非關愛細腰，典衣何計度寒宵。膚皴瘦玉心還熱，口嚼紅霞怨不銷。鳳縈笈經半載九死窮，泉更何悔只是芙蓉山館詩鈔卷三

難忘舊主恩，留將一綫殘魂待。更念同根兩地分，蘭幃應亦痛

離羣。一朝噩夢花辭樹，百種癡情泥憶雲。誰知路北蓬山峻，更

無青鳥通芳訊。繡幃頻迎那許還，黃柑遙贈知無分。二句用絮本事

果爾因去住難，揀將弱息自摧殘。腰間三尺冰文練，百轉千回

掩淚看黃昏。人靜重門閉，遼巡竟向南。枝繫紅蠟纒，灰軛轉心

冰蠶永斷纏綿意。鬱鬱埋香土，一坏長干西去板橋頭。空林鷓

語三生恨，幽墮螢飛獨夜愁。浮花浪蕊消彈指，究竟韶顏爲誰

死。殺粉親書墮淚碑，然脂好續傷心史。只悔當初作鳩媒，生將

珠玉委蒿萊。縱教採盡中州鐵，鑄錯無成劇可哀。我聞此語心

驚詫，潛潛涕泗綠纓下。譜就悲歌付鈿箏，題成恨字盈羅帕。療

妬神方秘不傳塵寰無地著嬋娟
丁甯好向泉臺住莫續草家
再世緣

舟過青浦

夾岸山如畫乘潮晚放船市聲煙外合
城影浪中圓薄醉聊敲
枕微吟漫叩舷今宵如有夢應遶
泖湖邊

泖湖

遠火兩三星空波接杳冥雲英浮水白
月魄盪烟青客裏吟懷
關風前酒面醒聲聲源子曲獨夜不
堪聽

客館孤坐

疊鼓聲聲促南樓客未眠夜長星替月
秋冷水生烟憎影移孤
芙蓉山館詩鈔卷三

四

燭凝情擘小棧故人各異縣離夢杳無邊

鳴雁行

旅雁向南土鳴聲一何苦天長水闊儔侶稀
高飛怕觸虞人機
愁雲塞空驚濤如瀉荒蘆蕭蕭徘徊不下
天涯雖好足稻梁何
如棲穩在故鄉

江上琴興懷宋茗香

楚樹葉微脫倚舷調玉琴涼風送高雁
秋意滿空林極浦起離
思勞人生古心泠泠七絃定明月落江
漢

寒夜讀鄒冷齋見寄詩有感

寒雲翳空葉滿地客子悲秋少歡意獨坐
偏多嘆喟聲苦吟聽

帶蕭騷氣搆得鄒陽贈我詩行行小字界蠶絲百回擊節紅花
施五夜高歌漏箭邊含商咀徵調清角楚客么絃漸離筑忼壯
陰山勅勒歌悽涼北國摩支曲回首天涯落拓身更番歌哭認
前塵無端此夕添根觸一聽清吟一愴神嗚呼男兒富貴須年
少底事窮途歎潦倒當世中郎不易逢得時鄧禹應相笑勞勞
人事日侵尋蠹粉芸烟損壯心銷殘一刺懷中字擊碎千金市
上琴殘羹冷炙侯門下可憐名士同奴價窮年無策卻饑寒失
路原應被笞罵對面輸心背面疑異鄉誰與話襟期名心未死
才先盡俠氣難銷骨尙奇到處生涯傷刺促上車著作空盈軸
記得相憐有故人鄧飭失喜唐衢哭落落晨星聚會稀兩鄉相
芙蓉山館詩鈔卷三

五

望各沾衣暮雲春樹新吟少綠韭黃梁舊事非

謂洪雅存方子雲諸君乍

得君詩覺神王慷慨爲君發哀唱庾信悲來涕淚多鮑昭吟罷
音辭壯心事波濤觸處驚床頭劒作不平鳴與君同是飄零客
不待相逢已有情

人將赴金陵晴沙舅氏招飲卽席畱別

饑來驅人不得住片帆行指金陵去感公折簡招我來高齋夜
飲開樽疊月明光光燭花短促坐行觴不嫌緩匣中寶劍波濤
驚一生知已恩分明憶昔髫年弄筆墨爾時公面我未識巴樹
蒼茫棧雲黑彷彿中宵見顏色壘塘水漲雙鯉魚聊持小札通
起居秋來水落得報書真珠密字千言餘憐我生涯久憔悴爲

勗榮名須自愛五湖更約扁舟載狎鷺閒鷗苦相待去秋公賦
歸來篇我初聞之喜欲顛登堂再拜捧公手示我新吟三百首
公詩跌宕無不有醉墨淋漓揮一斗謫仙才調夜郎西少陵格
律夔州後前身應是餐霞人意所到處皆煙雲眼中祿祿輕餘
子只說文章歸阿士向人誇我不去齒愛我如公合心死芙蓉
湖水搖漣漪遠山照人青半規簪簞榔栗相追隨坐談竟曰忘
饑疲况兼竭末才無兩文陣相鏖不相讓堪傲王符無外家敢
說魏舒成宅相苦恨青年多事身醉中又別謝池春東山儻賭
圍棋局可念羊家乞墅人

方子雲喜余至作轉韻長句枉贈卽用余去歲寄鄒冷齋

芙蓉山館詩鈔卷三

去

詩韻作此答之

去年相望蘭陵地暮哨朝吁少歡意今年相遇秣陵城橫行闊
視增豪氣百遍吟君贈我詩苦心一縷裊蠶絲彈成側調攏絃
急度出雙聲按拍遲嘹亮疑吹燕客角蒼涼似擊秦人筑爲訴
離時夢短長故教聽處腸迴曲兩載天涯飄泊身路旁花柳馬
頭塵芳時常負琴詩酒獨夜惟看形影神飛飛黃雀尋年少舊
游如夢還重到欸戶看看到屣迎登堂爲我開顏笑竭來勝地
愜幽尋是日遊
雨花岡對話平生骯髒心王筠好句新花鳥裴綽高談
古瑟琴紛紛程李才中下一錢不值甯論價奇才失路始堪哀
豎子成名何足罵墨癖詩狂雨不疑名山絕業早相期也知墮

地星辰誤猶喜凌雲筆札奇我輩生涯應刺促幾見稀膏運方
軸到手千杯雜怒嬉入腸百怪工歌哭如此江山天下稀無端
弔古淚沾衣瓊枝璧月嬌歌歇紫蓋黃旗霸業非醉墨淋漓神
忽王可獨君家擅高唱喚起齊梁六代人聽我長吟激悲壯回
首春光去可驚枝頭鶻鴂正悲鳴與君早訂重來約我愛青山
不世情

方子雲三疊前韻何南園蔡芷衫李瘦人燕山南俱有和

章因繼作誌謝

三載飄零各天地重逢得遂平生意舊侶依然金石心新交更
有風雲氣才人南國總工詩妙句傳來盡色絲自媿投魚同傳

芙蓉山館詩鈔卷三

七

繹漫誇乞錦向邱遲絕技誰吹柱閒角擅長誰擊筵流麗
誰工雜組詞纏綿誰譜雙聲曲同是萍浮梗泛身故將溫語慰
風塵窮年浪走車生耳深夜高歌筆有神容易拋人是年少轉
頭三十鬢駸到但博填胸萬斛愁難尋開口千場笑感君愛我
屢招尋爲訴男兒一寸心掌上結交須利劍篋中同調有青琴
九天咳唾隨風下靈珠美玉俱無價但得名流挂齒牙未妨俗
客長嘲罵青眼相看莫復疑空王香火有前期三生劫轉情難
盡千里神交夢亦奇詩筒來往相催促會見華賸積成軸就中
悲喜兩無端香桃自笑枯桑哭明星落落漏聲稀五夜沈吟起
攬衣眾許清狂同趙壹我知孤憤似韓非伯歌季舞神俱王白

雪家家擅高唱聽來已覺客愁銷搆去好教行色壯累牘連篇
世莫驚由來鸞鳳不孤鳴他年兩地相思處對此應添十倍情

澄心堂紙二十四韻

記昔風流主爭雄翰墨場新詞何妙麗小札最精良巧織光明
錦勻鋪細膩霜品方盞繭重價比衍波昂進御君王笑拈籤女
史忙繙來金葉底擘向綺筵傍妙墨留仙子

耿玉真

香經寫法王

紅鈴署鍾隱艷曲記娥皇方麴黃羅面燒槽紫錦囊一般供玩
賞終古怨興亡五夜家山破千年劫燼颺灰都作蝴蝶魂不化
鴛鴦風送迎降表星飛告急章聚時勞護惜散日太蒼惶故國
春江冷羅衾夜雨涼纏綿歌半闋慘淡墨千行無復迴鸞影空

芙蓉山館詩鈔

卷三

大

教齋蠹糧叢殘歸史館粗使給文房消化銀鉤搨宣和玉局藏
謠纔聽白雁讖又應紅羊梅老新詩在王郎舊志詳奇珍易零
落尤物幾滄桑兩軸如相贈千金可許償好同龍尾硯軼事話
南唐

楊花四首

垂楊千樹又吹緜滿眼春雲乍熟天弱質怕沾三月雨閒愁慣
惹六朝烟撲來帳底渾疑夢扶上釵頭便欲仙記說長秋宮畔
路有人拾得淚潸然

獨向花階取次行縈肩拂面儘逢迎隋隄流水前身果巫峽輕
雲出世情翠衷啼痕金黷澹紅牖魂影不分明願他化作青萍

子傍著鴛鴦過一生

生來心性最天斜，慣逐春郊鈿尾車。
掠水燕迷千點雪，窺牖人隔一重紗。
粉棉宛轉裝花額，香霧朦朧護月牙。
何似魏郎驚蝶，蝶東家飛過又西家。

盼斷天涯長短亭，杜鵑聲裏怨飄零。
未應鬢角添新白，已覺肩梢換舊青。
送落花魂須緩緩，拈來春恨只星星。
眼前指點瑤臺路，莫逐東風舞不停。

碧紗幮十六韵

紫貝冰紋檻，明螺梵字櫺。
桃笙涼乍展，網戶靜初扃。
暫卻蒲葵扇，教移雲母屏。
千絲成巧製，十幅可中庭。
水玉寒纔凝，秋雲澹

芙蓉山館詩鈔

卷三

五

欲停薄翎裝翡翠，輕翅擘蜻蛚。
螢暗分光綠蟾孤，逗影青雙烟縈寶篆。
列點數空星，銜穗看來澹。
花房摘處馨，倦眸時句線。
悄語倍瓏玲，小挂龍皮拂。
勻排犀角釘，密防蝨陣入。
慢遣蝶魂醒，白板烟中舫。
紅羅水上亭，清疑逼溟滓。
深好護姆婷，卻暑眠方穩。
遊仙夢亦靈，碧城十二曲。
曲曲記曾經。

秦淮秋泛同子雲竹西作

花外樓臺柳外橋，倚闌吹斷玉人簫。
銜迴翠衷移秋舫，簾卷明星落夜潮。
鏡閣香痕彈麝粉，屏山烟影護龍綃。
寶釵桃葉銷魂地，涼月殷勤照六朝。

得二弟歸書感而有作

飄泊憐吾弟，饑驅傍壻鄉。誰傳方寸札，頓觸九迴腸。久別顏應改，將歸話轉長。計程人漸近，屈指慰高堂。
記得分攜日，千回獨愴神。媿余長坎壈，累汝久風塵。別夢迷中路，歸期及小春。嬌癡諸弟妹，燈下說行人。
兩小爭梨栗，風光在眼前。如何成遠別，不信已三年。夜月黃河曲，秋風白雁邊。懷鄉心一片，應伴客帆懸。

青雲俄鏃羽門戶，苦難持惻愴。悲秋賦淒涼，下第詩多應。識字誤，只恨報恩遲。無限難言意，天涯獨爾知。
伏枕思陳事中宵夢，屢驚去留俱失計。爾我兩無成，月黑烏啼樹。天寒柝繞城，不堪檐外雨。已作對床聲。

芙蓉山館詩鈔

卷三

三

渡江

三雨明星墮，寒水成波頻。催榜人起爭，拽青蒲十幅帆。東風吹轉銅烏尾，船頭日出看漸高。水光明豔翻紅綃，回頭卻望隔江樹。一碧欲與空煙銷，昨宵猶是江南客。今晚維舟住江北，渺渺滄波千萬重。多恐夢魂歸不得。

揚州

細浪浮蘭橈，斜陽上畫樓。一聲新水調，六代舊春愁。快語思騎鶴，孤懷擬狎鷗。客囊羞澀甚，辜負少年遊。

莫唱安公子，隋家事可憐。瓊花春九十，錦纜女三千。墓古埋荒

草，魂歸化杜鵑。吳公臺畔柳，空自鬪嬋娟。

小杜狂遊地奇章幕府開青樓十年住紅粉兩行迴惆悵尋春
夢飄零作賦才二分今夜月曾受屈題來
懊惱征程急孤帆掠岸行空波流月影小市沸鐙聲酒薄愁難
卻袞寒夢不成長吟鮑家賦草草別蕪城
淒涼中酒阻風天北望淮南路渺然市上兒童皆大俠雲中雞
犬盡神仙碑殘尙識前朝壘米賤多逢估客船我亦窮途憔悴
容耻緣一飮乞人憐

茫茫回首百愁侵底事天涯嘆滯淫漸覺風煙非故土只餘僮
僕尙鄉音擁衾半响闌珊夢倚劍千回宛轉吟不信南中丹橘
芙蓉山館詩鈔卷三

三

樹到來便易歲寒心
成樓統統催嚴鼓孤館蒼涼月當午暗魄應憐獨夜長清輝慣
照離人苦獨夜離人望欲迷白沙如雪路東西若教天上無圓
缺那得人閒有笑啼照壁昏鐙落殘穗卻看孤影驚顛顛靈藥
何曾療別愁方諸只解流清淚見月方知一月行碧空迢遞夜
無情吹來一片清霜影添上千羣冷雁聲藜牀土銼凝塵重推
枕徘徊不成夢警夜悲笳著意吹卻寒濁酒無人送回首吳關
有所思斷腸芳訊月明知問他故國三千里開到繁花第幾枝
吹盡纖雲更清廓漸覺斜光向人落刀上銀留只半規匣中鏡

破無全郭星斗離離夜向闌荒雞野喔促征鞍盼他三五團圓
夜便許征人馬上看

過平原

北風吹驚沙如雪撲人面郵亭痛飲不成歡驅馬夜過平原縣
此時卻憶平原君雄豪意氣干青雲黃金隨手散如土門前珠
履來續紛受君知重爲君死我亦人閒報恩子蓬蒿已沒趙州
墳四海茫茫向誰是千金劍已折五色絲成灰俠骨欲腐雄心
摧北行觸處增感激明月又上黃金臺

用陳思王墓

寂寞魚山道千年草自春此間歸骨地猶識建安人健筆空今

芙蓉山館詩鈔

卷三

三

古雄才邁等倫文星流異彩紫嶽孕奇珍公讌南皮郡陪遊漳
水濱高談能破的小伎亦通神恩寵原難恃威儀太任眞補心
餘子如異目乃公噴空說才無敵甯知命不辰憂生貴公子屈
首老藩臣岐路悲黃髮高天隔紫宸轉蓬無住著煮豆太酸辛
計已輸吳質讒偏遇灌均九關雲黯黯窟口犬猶狺飄泊還
郡艱難託懿親風高摧勁羽浪涸損修鱗洛浦留殘夢遮須認
後身蓬山纔歷劫桑海幾揚塵壞道沈金雁高原泣石麟一杯
澆濁酒三步轉征輪倘給蘭臺札客參桂苑賓君應愛枚馬我
詎讓徐陳代隔交堪訂名高迹未淪徘徊夕陽下嗚咽欲霑巾

春草篇送陳秋士歸毘陵

江南二月青青草離家便憶還家好燕臺三月草青青送客偏
傷作客情一般春草天涯路我自遠來君自去極目芊綿長短
亭一年兩度銷魂處共向壚頭貰酒錢醉來草路踏空烟立當
夜月寒無影吹上春衫色可憐故園誰把文無寄正是芳時理
歸計難忘春暉一寸心易垂南浦千行淚此去揚州廿四橋片
帆又挂白門潮荒荒舊址尋三閣脈脈斜陽認六朝馬頭烟雨
春愁重千里萋迷遠相送我亦裁詩寄阿連東風綠遍池塘夢

曉起記夢

敲牖小雨作春聲涼壓羅衾睡失明夢到桃花最多處滿身香

露聽流鶯

芙蓉山館詩鈔卷三

三

得錢生竹西書卻寄

玉河橋下春波綠網得錦鱗三十六中有真珠密字書封鱗遠
自章江曲去年君向章江行秦淮水落秋湖平勞勞亭邊折楊
柳驪歌悽斷難爲情今年我作長安客回首雲波萬重隔青峯
江上數才華瓊樹風前見顏色歷歷前塵費夢思燒蘭擘錦記
年時愛君俊健空餘子媿我迂疎作導師書中不盡纏綿語上
官雲樹相思苦下言五月下章江還到金陵舊遊處金陵是處
好樓臺近水紅闌面而開李約瘦方干子無恙在掃除花徑待
君來知君才氣橫寥廓盡捲波瀾歸少作舊蹟重經蔣帝城壯
觀曾上滕王閣只我愁吟度一春出門怕踏軟紅塵誰憐老屋

挑燈夜絕憶元亭問字人

送汪劍潭歸揚州

卽題其越遊詩稿後

鏡湖水色桐廬雨，蕩槩吳孃浣紗女。
落絮遊絲舊夢長，迷離心事分明語。
久識君身是謫仙，再來仍坐有情天。
絃音響悲如許，青鳥文章奇可憐。
玉啼寶唾當風墜，澹是墨痕濃是淚。
擁鼻鏗前破寂寥，牽愁鏡裏添憔悴。
似綺年華彈指過，只餘冷習未銷磨。
香詞百闕拈紅豆，淨業三生禮貝多。
相逢握手靈臺下，君正金門報罷客。
路無邊宛轉愁清宵，有限淒涼話孤劍。
單衣作急裝，江南花落好還鄉。
嫌身李廓頻垂淚，失路溫岐易斷腸。
君家記住紅橋口，銷魂板渚絲絲柳。
畫檻春風盡捲簾，青旗細芙蓉山館詩鈔卷三

芙蓉山館詩鈔

卷三

三

雨爭誇酒我亦懷鄉作，越吟清秋準擬其。
招尋好壑跋石眠雲約一慰傷離惜別心

芙蓉山館詩鈔卷三

原受業錢倩履校訂

1624

8



②

中国书店
8 * 6.00元

